





蔡中郎集卷第四

漢 陳留蔡邕著

明新安汪士賢校

外三  
述行賦

延熹二年秋霖雨逾月是時梁冀新誅而徐璜左棺  
五侯擅貴於其處又起顯明死于城西人徒凍餓不  
得其命者甚衆白馬令李雲以直言死鴻臚陳君以  
救雲抵罪璜以余能鼓琴自朝廷敕陳留郡守遣余  
到偃師病不前得歸心憤此事遂託所過述而成賦

通駮

晁

自  
勅陳留云另行  
無發字

全記



遺

祭

越

北境惜

嶠

拱降

尚

遊

沈雁 無字 營 吳 苗 絕

懷

卷四

余有行于京洛兮 邁淫雨之經時 塗迤邐其蹇連兮  
 潦汙滯而為災 馬集蹠而不進兮 心鬱悒而憤思 聊  
 弘慮以存古今 宜幽情而屬詞 久余宿于大梁兮 誦  
 無忌之稱神 哀晉鄙之無辜兮 忿朱亥之篡軍 歷中  
 牟之舊城兮 憎佛胥之不臣 問甯越之裔胄兮 藐髻  
 髻而無聞 經圃田而瞰北境兮 晤衛康之封疆 迄管  
 邑而增感 歎今愠叔氏之啓商 過漢祖之所隘兮 弔  
 紀信於滎陽 降虎牢之曲陰兮 路丘墟以盤縈 勤諸  
 侯之遠戍兮 侈申子之美城 聽濤塗之復惡兮 陷夫  
 人以大名 登長坂以凌高兮 陟葱山之巒嶂 建撫體  
 而立洪高兮 經萬世而不傾 廻峭峻以條阻兮 小阜  
 寥其異形 岡岑紆以連屬兮 谿谷負幸現二音 其音深遠也  
 冥迤嵯峨以乖邪兮 廓巖壑以崢嶸 攢棧樸而雜榛  
 桔兮 被纒濯而羅布 葳蕤與臺菌兮 綠壘崖而結  
 莖 行遊目以南望兮 覽太室之威靈 顧大河于北垠  
 兮 瞰洛汭之始并 追劉定之攸儀兮 美伯禹之所營  
 悼太康之失位兮 愍五子之歌聲 尋修軌以增舉兮  
 邈悠悠之未央 山風泊以飈涌兮 氣慄慄而厲涼 雲

卷四

七



何涼

頻

乘沂洛

集

无後

筍黯

以作之 無路字

陝

慄

綿遺

見之 恠

可云

清

鬱術而四塞兮雨濛濛而漸唐僕夫疲而劬瘁兮我  
 馬虺頽以玄黃格莽丘而稅駕兮陰曠曠而不陽哀  
 衰周之多故兮眺瀕隈而增感念子帶之淫逸兮嘻  
言厲弔失 襄主於壇坎悲寵嬖之為梗兮心惻愴而  
國曰嘻 懷慄慄舫舟而泝湍流兮浮清波以橫厲想宓妃之  
 靈光兮神幽隱以潛翳實熊耳之泉液兮總伊瀍與  
 澗瀨通渠源於京城兮引職貢乎荒裔擗吳榜其萬  
 艘兮充王府而納最濟西溪而容與兮息鞏都而後  
 逝愍兼公之失師兮疾于朝之為害玄雲黯以凝結

兮集霰爾之溱溱路阻敗而無軌兮塗淖溺而難遵  
 率陵阿以登降兮赴偃師而釋勤壯田橫之奉首兮  
 義二士之俠憤佇淹留以候霽兮感憂心之殷殷并  
 日夜而遙思兮宵不寐以極晨候風雲之體勢兮天  
 牢滙而無文彌信宿而後闕兮思遽逸以東運颺陽  
 晁之灑灑兮懷少弭而有欣命僕夫其就駕兮吾將  
 往乎京邑皇家赫而天居兮萬方徂而並集貴寵扇  
 以彌熾兮僉守利而不戢前車覆而未遠兮後乘驅  
 而競入窮變巧於臺榭兮民露處而寢温清嘉穀于



以紀

侵眇

絕字

泳

詰

作

嗜放

焦

兒稱

雉

禽獸兮下糠粃而無粒弘寬裕於便辟兮糾忠諫其  
 駸急懷伊呂而黜遂兮道無因而獲入唐虞渺其既  
 遠兮常俗生於積習周道鞠為茂草兮哀正路之日  
 愆音忽觀風化之得失兮猶紛掌其多違無亮采以  
 匡世兮亦何為乎此畿甘衡門以寧神兮詠都人而  
 思歸爰結蹤而迴軌兮復邦族以自綏亂曰跋涉遐  
 路艱以阻兮終其永懷窘陰雨兮歷觀羣都尋前緒  
 兮考之舊聞厥事舉兮登高斯賦義有取兮則善戒  
 惡豈云苟兮翩翩獨征無儔與兮言旋言復我心胥

兮

短人賦

侏儒短人焦

音醮容止之貌也

僂之後出自外域戎狄別種

去俗歸義慕化企踵遂在中國形貌有部各之侏儒  
 生則象父唯有晏子在齊辨勇匡景拒崔加刃不恐

其餘疋么劣厥儻窶噓

音或叫呼也

噴怒語與人相拒矇

昧嗜酒喜索罰舉醉則揚聲罵詈恣口衆人患忌難

與並侶是以陳賦引譬此偶皆得形象誠如所語其

詞曰雄荆鷄兮鶩鶩鷓鴣鳩鷓兮鶉鷄鷓冠戴勝兮



熱即

熱

無斷斧柯鞞鞞鼓手補履  
禮脫植柄于擣十五字  
衣上有擣字

啄木兒觀短人兮形若斯熱地蝗兮蘆榔且爾中蛹  
兮蠶蠕頰視短人兮形若斯木門闔兮梁上柱敝鑿  
頭兮斷榑鞞鞞鼓兮補履撲脫椎柄兮擣衣杵視  
短人兮形如許

### 漢津賦

夫何大川之浩浩兮洪流淼以玄清配名位乎天漢  
披厚土而載形登源自乎嶓音播波二音山各冢引漾澧而東  
征納陽谷之所吐兮兼漢沔之殊名總畎澮之羣液  
兮演西土之陰精遇萬山以左迴兮旋襄陽而南索

切大別之東山兮與江湘乎通靈嘉清源之體勢兮  
澹澹潏以安流鱗甲育其萬類兮蛟龍集以嬉遊明  
珠胎于靈蚌兮夜光潛乎玄洲雜神寶其充盈兮豈  
魚龜之足收於是遊目騁觀南援三州北集京都上  
控隴坻下接江湖導財運貨懋遷有無旣乃風飈蕭  
瑟勃焉竝興陽侯沛以奔駑洪濤涌而沸騰願乘流  
以上下窮滄浪乎三漣音筮水漣也覩朝宗之形兆瞰洞  
庭之交會

### 協和婚賦

...

...



惟情性之至好歡莫偉乎夫婦受精靈之造化固神明之所使事深微以玄妙實人倫之肇始考邃初之原本覽陰陽之綱紀乾坤和其剛柔良父感其脢腓葛覃恐其失時標梅求其庶士唯休和之盛代男女得乎年齒婚姻協而莫違播欣欣之繁祉良辰既至婚禮已舉二族崇飾威儀有序嘉賓僚黨祁祁雲聚車服照路驂駢如舉既臻門屏結軌下車阿傅御堅鴈行蹉跎麗女盛飾曄如春華

三八 筆賦

惟其翰之所生于季冬之狡兔性精亟以慄悍體遒迅以騁步削文竹以為管加漆絲之纏束形調搏以直端染玄墨以定色畫乾坤之陰陽讚宓皇之洪勳敘五帝之休德揚蕩蕩之明文紀三王之功伐兮表八百之肆覲博六經而綴百氏兮建皇極而康彝倫綜人事於晻昧兮贊幽冥於明神象類多喻靡施不協上剛下柔乾坤位也新故代謝四時次也圓和正直規矩極也玄首黃管天地色也

琴賦

叙作琴 無典字 後作文  
文下有明字 王作皇

情 書 倫







樹遐方之嘉木兮于靈宇之前庭通二門以征行兮  
夾堦除而列生彌霜雪而不彫兮當春夏而滋榮因  
本心以誕節兮凝育葉之綠英形猗猗以艷茂兮似  
翠玉之清明何根莖之豐美兮將蕃熾以悠長適禍  
賊之災人兮嗟天折以摧傷

外六 篆勢

字畫之始因於鳥跡鳥上有田為二字 無遺斯為真形五字蒼頡循聖作則制文體有六篆  
粵妙入神或象龜文斜列橫作或體作或比龍鱗紆體放尾長翅短身  
頤若黍稷之垂穎蘊若蟲蛇之焚縕揚波振擊龍躍

絕投

殺

似下有冰字

却圓不方 歧 道

近 隆下有兩字

可

辭下有其字 韜作訪 委作亦

頰

鳥震延頸脅翼勢欲凌雲或輕舉內投微本濃末若  
絕若連似冰露綠絲凝垂下端從者如懸衡者如編  
杪者邪趣不方不圓若行若飛蛟蛟翽音喧小翽遠飛貌  
而望之若鴻鵠羣遊絡繹遷延迫而視之端際不可  
得見指揮不可勝原研桑不能數其詰屈離婁不能  
覩其隙間般倕揖讓而辭巧籀誦拱手而韜翰處篇  
籍之首目粲粲彬彬其可觀摘華豔於統素為學藝  
之範閑嘉文德之弘懿蘊作者之莫刊思字體之備  
仰舉大略而論旃



外七 隸勢

經

雪陰  
雪同字

層

無可勝二字

倫 略

可

上

鳥跡之變乃惟佐隸蠲彼繁文崇此簡易厥用既行  
 體象有度魚若星陣鬱若雲布其大徑尋細不容髮  
 隨事從宜靡有常制或穹窿恢廓或櫛比鍼列或砥  
 繩平直或蜿蜒繆戾或長邪角趣或規旋矩折修短  
 相副異體同勢奮華輕舉離而不絕纖波濃點錯落  
 其間若鍾簾音巨設張庭燎飛煙嶄崟崔嵯高下屬連  
 似崇臺重宇層雲冠山遠而望之若飛龍在天近而  
 察之心亂目眩奇姿譎誕不可勝原研桑所不能計

宰賜所不能言何草篆之足算而斯文之未宣豈體  
 大之難覩將秘奧之不傳聊佇思而詳觀舉大輅而  
 論旃

外五 飲馬長城窟行

青青河邊草繚繚思遠道遠道不可思宿昔夢見之  
 夢見在我旁忽覺在他鄉他鄉各異縣展轉不相見  
 枯桑知天風海水知天寒入門各自媚誰肯相為言  
 客從遠方來遺我雙鯉魚呼童烹鯉魚中有尺素書  
 長跪讀素書書中意何如上有加餐食下有長相憶



蔡中郎集卷四  
荅元式詩

伊余有行爰戾茲邦先進博學同類率從濟濟羣彥  
如雲如龍君子博文貽我德音辭之輯矣穆如清風

外十三  
翠鳥詩

庭陬音那角有若榴綠葉含丹榮翠鳥時來集振翼  
修形容廻顧生碧色動搖揚縹青幸脫虞人機得親  
君子庭馴心托君素雌雄保百齡

蔡中郎集卷第四終

蔡中郎集卷第五

漢 陳留蔡邕著  
明新安汪士賢校

五一  
光武濟陽宮碑

惟漢再受命曰世祖光武皇帝考南頓君初為濟陽  
令濟陽有武帝行過宮常封閉帝將生考以令舍下  
濕開宮後殿居之建平元年十二月甲子夜帝生時  
有赤光室中皆明使卜者王長卜之長曰此善事不  
可言歲有嘉禾一莖生九穗長於凡禾因為尊諱王

下濕作不濕



無臣字 偷作媮

盈作成 無強字

義作又

淺

九域

十下有有字

樂字不重

眷神宮作審  
厥路藐作其跡蘇

箕 卒郡 大  
無之字

孝子裝 無其詞曰

皇漢作丁漢

作愿作定乱  
無算奈握天機六句

於

萬方 迄手 有

室中微哀平短祚姦臣王莽偷有神器十有八年罪  
威惡孰天人致誅帝乃龍見白水淵躍滄上破前隊  
之衆彌二公之師牧兵略地經營河朔戮力戎功翼  
戴更始義不即命帝位闕焉於是羣公諸將據河洛  
之文叶符瑞之鞅僉曰曆數在帝踐祚允宜乃以建  
武元年六月乙未即位鄆縣之陽九域之陌祀漢配  
天不失舊物享國三十六年方內又安蠻夷率服巡  
狩泰山禪梁父皇代之遐迹帝者之上儀固不畢舉  
道德餘慶延于無窮先民有言樂樂其所自生而禮

不忘其本是以虞稱媯

音歸內 音蒭水 水名 相入貌

姬美周原皇

天乃眷神宮實始于此厥跡邈哉所謂神麗顯融越

不可尚小臣河南尹鞏瑋先祖銀艾封侯歷世卿尹

受漢厚恩瑋以商箕餘烈郡舉孝廉為太審丞來在

濟陽願見神宮追惟桑梓褒述之義用敢作頌頌曰

赫矣炎光爰耀其輝篤生聖皇皇漢之微稽度乾則

誕育靈姿黃孽作慝篡握天機帝赫斯怒爰整其師

應期潛見扶陽而飛禍亂克定羣凶殄夷臣復帝載

萬國以綏巡于四嶽展義省方登封降禪升中報皇



爰茲初基天命孔彰子子孫孫保之無疆

二三 陳太丘碑

先生諱寔字仲弓潁川許昌人也含元精之和應期  
運之數兼資九德總脩百行於鄉黨則恂恂焉穢斌  
焉善誘善導仁而愛人使夫少長咸安懷之其為道  
也用行舍藏進退可度不徼許以干時不遷怒以臨  
下四為郡功曹五辟豫州六辟三府再辟大將軍宰  
聞喜半歲太丘一年德務中庸教敦不肅政以禮成  
化行有謚會遭黨事禁錮二十年樂天知命澹然目

逸交不諂上愛不黷下見幾而作不俟終日及文書

赦宥時年已七十遂隱丘山懸車告老四門備禮闕

心靜居大將軍何公司徒袁公前後招辟使人曉諭

云欲特表便可入踐常伯超補三事佩緹金紫光國

垂勳先生曰絕望已久飾巾待期而已皆遂不至弘

農楊公東海陳公每在衮職羣僚賀之皆舉手曰潁

川陳君命世絕倫大位未躋慙於文仲竊位之負故

時人高其德重於公相之位也年八十有三中平三

年八月丙子遭疾而終臨沒顧命留葬所卒時服素

資

貳

下上有於字

圓 閑

起

東海作海東



村

菽

無一字 老下有以字

跡

棺槨財周櫬喪事唯約用過乎儉羣公百僚莫不咨  
 嗟巖藪知名失聲揮涕大將軍弔祠錫以嘉諡曰徵  
 士陳君稟嶽瀆之精苞靈曜之純天不憖遺一老俾  
 屏我王梁崩替萎栢時靡憲縉紳儒林論德謀績諡  
 曰文範先生傳曰郁郁乎文哉書曰洪範九疇彛倫  
 攸叙文文為德表範為士則存誨沒號不亦宜乎三公  
 遣令史祭以中牢刺史敬弔太守南陽曹府君命官  
 作誄曰赫矣陳君命世是生含光醇德為士作程資  
 始既正守終有令奉禮終沒休矣清聲遣官屬掾吏

已述

以下有時字 成下無斯字 銘下有斯字

學

圮

可

前後赴會刊石作銘府丞與比縣會葬荀慈明韓元  
 長等五百餘人總麻設位哀以送之遠近會葬千人  
 以上河南尹种府君臨郡追嘆功德遷錄高行以為  
 遠近鮮能及之重部大掾以成斯銘可謂存榮沒哀  
 死而不朽者也乃作銘曰我我崇嶽吐符降神於皇  
 先生抱寶懷珍如何昊穹既喪斯文微言既絕來者  
 曷聞交交黃鳥爰集恭棘命不可贖哀何有極

二四 陳太丘廟碑銘 此廟碑也

維中平五年春三月癸未豫州刺史典以褒功述德



関 鬼

達

無生字

將至

孝

無之字 頌哉

無寵名銘曰四字

探

或

銘

大夫

政之大經是以作諡封墓興於周禮衛鼎晉銘其絕  
 有實故太丘長穎川許昌陳寔字仲弓含聖哲之清  
 和盡人才之上美光明配於日月廣大資乎天地辟  
 四府宰三城神化著於民物形表圖於丹青巍巍乎  
 其不可尚也洋洋乎其不可測也儉約違時懸車致  
 仕徵辟交至遂不屑就春秋八十有三寢疾而終大  
 將軍賜諡羣后建碑國人立廟先生有二子季方元  
 方皆命世希有繼期特立季方盛年早亡亦圖容加  
 益地方在喪毀瘁消形嘔血純擇過哀率禮不越于

時嘉異畫像郡國欽盛德之休明懿鍾鼎之碩義乃  
 樹碑鐫石垂世寵光謫曰於皇先生冠耀八荒闡德  
 之宇據道之綱繼期立表以訓四方惟亮天工羣生  
 之望高明允實有馥其芳載德奕世休有烈光欽慕  
 在人舊有憲章過牧斯州庶奉清塵棄予而邁靡瞻  
 靡聞嗟我懷矣曷所咨詢告哀金石式昭其勤

二二 文範先生陳仲弓銘

君諱寔字仲弓穎川許人也其先出自有虞氏中葉  
 當周之盛德有媯滿者武王配以太姬而封諸太昊



問美

馮迹

無法行斯可樂動斯可八字

徒至

直方壘

蓋下無空格

儉上有又以二字 濫作聞

無之字 於

色作所以二字

離替惑

之墟是為陳胡公春秋之末失其爵土遂以國氏焉  
 世篤懿德今聞不顯君膺皇靈之清和受明哲之上  
 咨憑先民之遐迹秉玄妙之淑行投足而襲其軌施  
 舍而合其量夫其仁愛溫柔足以孕育羣生廣大寬  
 裕足以包覆無方剛毅強固足以威暴矯邪正身體  
 化足以陶冶世心先生有四德者故言斯可象靜斯  
 可効是以邦之子弟遐方後生莫不同情瞻仰由其  
 模範從其趣尚戾狠斯和爭訟化讓雖嚴威猛政迫  
 以刑戮未若先生潛導之速也其立朝事上也恭順

法行斯可樂動斯可

貞厲舍章直方無顯諫以彰臺不割高而引長常幹  
 州郡腹心之任義則進之以達道否則退之以光操  
 然後德立名宣蓋臣當世辟司徒府納規陳謀匡弼  
 三事人用昭明台階允寧遽聞喜長清風暢於所漸  
 儉節溢於監司郡政有錯爭之不從即解綬去復辟  
 太尉府遷太丘長民之治情斂怨反於端懿者猶草  
 木之偃於翔風百卉之挺於春陽也以所執不協所  
 屬色斯舉矣不俟終日辟大將軍府道之行廢有分  
 於命乃罹密網以就禁錮潛伏不試十有八年大忌



正

太

無所字屬下有姓字祠作詞

已

兼  
弥

循

御  
疾

居  
有下無于字

無碑字

斯

蜀除舉賢良方正大將軍司徒並辟君曰七十有縣  
 車之禮況我過諸遂不應其命容止法度老而彌壯  
 凡所履行事類博審不可勝數略舉首目其實錄記  
 在乎其傳春秋八十有三中平三年八月丙子卒大  
 將軍三公使御屬往弔祠會葬碑議諡曰文範先生  
 刺史太守樹碑頌德許令以下至於國人立廟舊邑  
 四時蒸嘗歡哀承祀其如祖禰先生存獲重稱亡歆  
 血食修行於已得斯於人固上世之所罕有前哲之  
 所不過也孤嗣紀銜恤在疚敢錄言行終始所守乃

有二三友生次度禮則咸曰君化道神速初于有國  
 法施于民祀典所宗鄉人之祠非此遺孤所得專遊  
 昔者先生甚樂茲土築室講誨精靈所寧紀順奉雅  
 意遂定兆域宜有銘勒表墳墓俾後生之歌詠德音  
 者知丘封之存斯也乃作銘曰於熙文考天授弘造  
 淵玄其深巍峩其高剛而無虐柔而不撓誕鋪模憲  
 承世作教君之誨矣民胥効矣道行斯進廢乃斯止  
 鮮我顯泰既多幽否舍榮取辱涅而不緇德之休明  
 賤不為耻超邈其猷莫與方軌



有上郭字 道下無死生二字

蔡中良集 卷五 先生太原郭

郭有道林宗碑

先生名恭字林宗太原界休人也其先出自有周王季之穆有號叔者實有懿德文王咨焉建國命氏或謂之郭即其後也先生誕膺天衷聰睿明哲孝友溫恭仁篤慈惠夫其器量弘深姿度廣大浩浩焉汪汪焉與乎不可測已若乃砥節勵行直道正辭貞固足以幹事隱括足以矯時遂考覽六籍探綜圖緯周流華夏游集帝學收文武之將墜拯微言之未絕恭時纓綏之徒紳佩之士望形表而景附聆嘉聲而響和

應

覽六籍作六覽注 經

無絕字

影 無鄉言字

猶上有鄉言字

鴻涯 許

二上有之字

謀

樹於

者猶百川之歸巨海鱗介之宗龜龍也時乃潛隱衡門收朋勤誨童蒙賴焉用祛其蔽州郡聞德虛已備禮莫之能致羣公休之遂辟司徒掾又舉有道皆以疾辭將蹈洪崖之遐跡紹巢由之絕軌翔區外以舒翼超天衢以高峙稟命不融享年四十有三以建寧二年正月乙亥卒凡我四方同好之人永懷哀悼靡所置念乃相與推先生之德以圖不朽之事僉以為先民既沒而德音猶存者亦賴之於紀述也今其如何而闕斯禮於是建碑表墓昭銘景行俾芳烈奮乎

蔡中良集 卷五



百世令聞顯乎無窮其詞曰於休先生明德通玄純  
懿淑靈受之自天崇壯幽濬如山如淵禮樂是悅詩  
書是敦匪惟撫華乃尋厥根官墻重仞允得其門懿  
乎其純確乎其操洋洋縉紳言觀其高樓遲泌丘善  
誘能教赫赫三事幾行其招委辭召貢保此清妙降  
年不永民斯悲悼爰勒茲銘摛其光耀嗟爾來世是  
則是效

故太尉橋公廟碑

篇中光我烈考至作靈萬拜為首段公諱玄字公祖至承有仰於碑陰云  
為第二段橋公之先提行至魏魏乎君德死世之表儀也己為第三段終焉

橋氏之先出自黃帝帝葬于橋山子孫之紹基立姓

第三段  
在不作不在十三字

業

者咸以為氏漢興世以禮樂為業高祖諱仁位至大  
鴻臚列名於儒林祖侍中廣川相考東萊太守公稟  
性貞純幼有弘姿剛而不虐威而不猛聞仁必行睹  
義斯居文以典術守以繼固弱冠從政當官而行刺  
史周公辟舉從事所部二千石受取有驗公糾發贓  
罪致之於理時有椒房權戚之託周公累息公不為  
之動史魚之勁直山甫之不阿於是始形舉孝廉除  
郎中繕陽左尉特進賴王梁不疑為河南尹當事以  
對是時畏其權寵而為屈辱者多矣公不折節解印

阿

功



西

無與字

阿事

居

無事字

綬去辟司徒舉高第補侍御史以詔書考司隸校尉  
趙祁事廷尉郭貞私與公書非接使御命之儀公封  
書以聞貞以文章得用鬼薪公離司寇辟大將軍梁  
公幕府屢以拔正于其隆指將軍嘉之無言不讐又  
以高第補侍御史在職旬月羗戎匪茹震驚隴漢西  
府舉公拜涼州刺史威名克宣凶虜革心清風席卷  
至則無事車師後部阿羅多卑君相與爭國與兵作  
亂公遣從事牛稱何傳舉輕騎奉辭責罪收阿羅多  
卑君繫燉煌正處以聞阿羅多爲王卑君侯稱以奉

使副指除候部不動干戈揮鞭而定西域之事承以  
爲美談又值饑荒諸郡饑餒公開倉廩以貸救其命  
主者以舊典宜先請公曰若先請民已死廩訖乃上  
之詔報曰邊穀不得妄出玄擅出於是玄有汲黯憂  
民之心後不以爲常公達於事情剖斷不疑皆此類  
也遷齊相視民如保赤子討惡若赴水火刑明賞遂  
民知勸懼臨淄令賂財賦多罪正受鞠就刑沒齒無  
怨竟以不先請免官徵拜上谷太守民有父子俱行  
凶人人惡言當道曉之不止其子殺之而捕得公以



西

無與字

阿事

居

假  
無事字

綬去辟司徒舉高第補侍御史以詔書考司隸校尉  
 趙祁事廷尉郭貞私與公書非接使御命之儀公封  
 書以聞貞以文章得用鬼薪公離司寇辟大將軍梁  
 公幕府屢以拔正于其隆指將軍嘉之無言不讐又  
 以高第補侍御史在職旬月羗戎匪茹震驚隴漢西  
 府舉公拜涼州刺史威名克宣凶虜革心清風席卷  
 至則無事車師後部阿羅多卑君相與爭國興兵作  
 亂公遣從事牛稱何傳舉輕騎奉辭責罪收阿羅多  
 卑君繫燉煌正處以聞阿羅多為王卑君侯稱以奉

使副指除候部不動干戈揮鞭而定西域之事承以  
 為美談又值饑荒諸郡饑餒公開倉廩以貸救其命  
 主者以舊典宜先請公曰若先請民已死廩訖乃上  
 之詔報曰邊穀不得妄出玄擅出於是玄有汲黯憂  
 民之心後不以為常公達於事情剖斷不疑皆此類  
 也遷齊相視民如保赤子討惡若赴水火刑明賞遂  
 民知勸懼臨淄令賂財賊多罪正受鞠就刑沒齒無  
 怨竟以不先請免官徵拜上谷太守民有父子俱行  
 凶人人惡言當道曉之不止其子殺之而捕得公以



悔

五

無大字

無南字

司徒司空

著

大綱

如前

其見悔辨直不舉文書以遇赦令蕃縣有帝舜廟以  
 故事齋祠戶曹史張機有懲罰貨祠巫自託以舜命  
 約公云不得譴公覺其奸態收考首伏即日伏辜遷  
 漢陽太守上邽令皇甫禎贓罪明審收考髡錮死于  
 冀市後以病去徵拜議郎司徒長史循王惺桓帝同  
 產以懷逆謀黜封瘿陶王以公長於襟帶拜鉅鹿太  
 守惺畏怖明憲檢于靜息自將作大匠徵未到而章  
 謗先入故轉拜議郎遂用免官徵度遼將軍遷河南  
 尹少府大鴻臚司徒司空託病而法悉引衆災雖非  
 已負公皆以自効遜位歲餘拜尚書令時河間相蓋  
 升以朝廷在藩國時隣近舊恩歷河南太守太中大  
 夫在郡受取數億以上創毒深刻公表升會放狼籍  
 不顧天網損辱國家為上招怨當肆市朝以謝兆民  
 幸遇贖令罪除惡在可免升官禁錮終身沒入財賂  
 非法之物以充帑藏懲戒羣下連表上不納而升遷  
 為侍中公稱病辭徙拜光祿大夫復拜太尉數前遜  
 位復拜少府病不就職拜太中大夫凡所獲祿皆公  
 府所特表選臨難受位自九列之後乃以丕貶公紀



逆見而察乃定

無夫大字

無去字

克

篤作以與二字

無已字  
第二段

大

無傳字

次第作第次

印  
第一段  
無云字  
先无列

教

加

綱張弛氣決不困。是非明作速於察機燕居從容  
申申天天和樂寬裕愛士親仁凡見公容貌聞公聲  
音莫不熙怡悅懌思樂模則來者忘歸去者願還雅  
性謙克不吝於利欲雖穉子羣孫並在仕次曾無順  
媚一言之求身沒之日無獲大位在百里者莫得好  
縣比方公孫未有若茲者也初公為舍於舊里弟卒  
推與其孤至於卽世柩殯無所清儉仁與之効於斯  
為著巍巍乎若德允世之表儀也已公諱玄字公祖  
少辟孝廉辟司徒大將軍府為侍御史牧一州典五

郡出將邊營入掌機密歷三卿同三司享年七十五

光和七年夏五月甲寅以太中大夫薨于京師朝廷

所以弔贈如前傳之儀九月乙酉葬於某所三孤故

臣門人相與述公言行咨度禮制文德銘于三鼎武

功勒於鉦鉞官簿次第事之實錄書于碑陰俾爾昆

裔永有仰於碑陰云光飛烈考伊漢元公克明克哲

實獻實聰如淵之浚如嶽之嶠威壯虓虎文繁雕龍

撫柔疆垂戎狄率從敷教中夏五輿攸通帝謂我后

朕嘉君功命君二事時亮天工公拜稽首翼翼惟恭



左右天子祗厥勲庸庶績既熙黎民時雍上下謐寧  
八方和同丕顯伊德作憲萬邦

一六 太尉橋公碑頌

公諱玄字公祖梁國睢陽人也大鴻臚之曾孫廣州  
相之孫東萊太守之元子也膺受純性誕有特表岐  
嶷而超等總角而逸羣至于初紳高明卓異為衆傑  
雄其性疾華尚朴有百折不繞臨大節而不可奪之  
風經藝傳記周覽博涉瑰奇在前靡所不識當世是  
以服重器歸高名州郡交請待以訪斷歷端首則義

第往九

西

大 涉

可行處爪牙而威以布察孝廉除郎中洛陽左尉以  
公事去辟司徒舉高第侍御史直道而往用免其往  
辟大將軍西府表拜涼州刺史遷齊相以公事去詔  
書印綬即家拜上谷太守遷漢陽太守徵拜議郎司  
徒長史鉅鹿太守被詔書為將作大匠為受罰者所  
章拜議郎即徵拜度遼將軍遷河南尹少府大鴻臚  
遂陟司空司徒託痾遜位起家拜尚書令以疾篤稱  
拜光祿大夫後拜太尉久病自替復為少府太中大  
夫春秋七十五光和七年五月甲寅薨公性質直不



惡下重忠字

無故字 謂

嘉石作 石嘉

亦 党

憚強禦在憲臺則有盡規之忠領州郡則有虎眈音軫  
也之威其拔賢如旋流討惡如霆擊每所臨向清  
風先翔遠近豫震茲可謂超越衆庶彰於遠邇者已  
於是故吏司徒博陵崔烈廷尉河南吳整等以為至  
德在已揚之由人苟不饜述夫何考焉乃共勒嘉石  
永昭芳烈遂作頌曰赫矣橋父秉文握武內為宗幹  
出為藩輔在憲彈枉竟由厥矩允牧于涼劉彼裔土  
爰將度遼亦用齊斧敷教四畿旋統京宇敦茲五服  
衆庶是與膺踐七命翼我哲聖登空補衮陟徒訓敷

尹尉清宸熙帝之政終始為良典章以定遺愛在民  
皇采其命立石刊銘莫適斯聽魂而有靈萬億其盛

東鼎銘

維建寧三年秋八月丁丑延公于玉堂前廷乃詔曰  
其以大鴻臚橋玄為司空再拜稽首以讓帝曰俞往  
哉三讓然後受命公乃虔恭夙夜帝采勤施八方旁  
作穆穆以對揚天子不顯休命越在先民毗於天子  
罔不著其股肱畢其思心式率天行式昭德音公亦  
克紹厥猷鑒于法罔敢不法憲于誠罔敢不誠用總

帝

無罔字 必

冠憲誠法 罔上有新于誠字



是羣后保又帝家勳在方冊民咸曰休哉惟帝念功越若來三月丁丑遷於司徒

一三 中鼎銘

無稽字

無命字

慎 無修字

維建寧四年三月丁丑延公登于玉堂前廷乃制詔曰其以司空橋玄為司徒公拜稽首以讓帝曰俞往哉三讓然後受命公允迪厥德宣力肆勤戰戰兢兢以役帝事率夫百辟媚于天子天子曰都慎厥身修思永同寅協恭以和天衷德則昭之違則塞之回乃不敢不弼枉乃不敢不匡股肱之事既克三事之繇

允備災青作見乃引其責曰凡庶徵不若彛倫不叙是惟臣之職祗以疾告表越十月庚午記此

一四 西鼎銘

殿前作前殿

大

辟

侍

私

維光和元年冬十二月丁巳延公入崇德殿前乃制詔曰其以光祿大夫玄為太尉公拜稽首曰臣聞之三讓莫或克從臣不敢辭臣犬馬齒七十可以生可以死其戮力閑私悉心在公以盡為臣之節于時侍從階與聞公之昌言者莫不惕厲如履薄冰既乃碑表百代



蔡中郎文集卷第五終

蔡中郎集卷第六

漢 陳留蔡邕著

明新安汪士賢校

一五 黃鉞銘

孝桓之季年鮮卑入塞盜起抄匈奴左部梁州叛羗逼  
 迫兵誅淫衍東夷高句麗音匹翻音匹子百固逆謀並發  
 三垂騷然為國憂念西府表橋公昔在梁州柔遠能  
 邇不煩軍師而車師克定及在上谷漢陽連在營郡  
 齋力方剛明集御衆徵拜度遼將軍始受旄鉞鉦鼓

謠移

西

無車師字 克作冠

集



動

無弓矢字  
因隱

懸

受  
彊

駑

來

之任扞禦三垂公以吏士夙勤於奔命人馬  
 疲羸弓未撓鈍請且息州營橫發之役以補懈憊朝廷許  
 之於是儲廩豐饒塞饜不繼人逸馬畜弓勁矢利而  
 經用省息官有餘資執事無放散之尤簿書有進入  
 之羸治兵示威戎士踴躍旌旗耀日金鼓霆奮守有  
 山嶽之固攻有必克之勢羗戎授首于西疆百固冰  
 散于東鄰鮮卑收迹烽燧不舉眎事三年馬不帶缺  
 鼓陳之東階以昭公文武之功焉銘曰帝命將軍秉

音決

弓不受彊

音握弓弩端  
弦府居也

是用鏤石作茲鉦鉞軍

茲黃鉞威靈振耀如火之烈公之在位羣狄斯柔齊  
 斧罔設人士斯休

三三 漢太尉楊公碑

公諱賜字伯猷弘農華陰人姬姓之國有楊侯者公  
 其後也其在漢室赤泉侯棻高丞相翼宣咸以盛德  
 光于前朝祖司徒考太尉繼跡宰司咸有助烈公承  
 家崇軌受天醇素欽奉奉構閑于儀栢烈風維繼不  
 易其趨文藝典籍尋道入奧操清行朗潛晦幽關不  
 荅州郡之命辟大將軍府不得已而應之遷陳倉令

無者字

無咸字

無堂字 伐柯 維

廊 無口口



病不作是 無口 不至作詳

无向

受

不退

給無口

大時

無七字

無先字

公乃因是行退居廬公車特徵痲病辭司空舉高第

拜侍中越騎校尉帝篤先業將問故訓公以羣公之

舉進授尚書于禁中遷少府光祿勳敬揆百事莫不

時序庶尹知恤閭闔惟清列作司空地平天成陰陽

奉忒公遂身避託疾告退又以光祿大夫受命司徒

敬敷五品宣洽人倫燮和也理股肱耳目之任靡不

克明及至太尉四時順動三耀耀潤羣生豐遂太和

交薄玉作六卿五蹈三階受爵開國應位特進非盛

德休功假于天人孰能該備寵榮兼包令錫如公之

至者乎公體資明哲長於知見凡所辟選升諸帝朝

者莫非瑰才逸秀第參儲佐惟我下流二一小臣穢

損清風愧于前人乃糾合同寮各述所審紀公勲績

刊石立銘以慰永懷銘曰天降純嘏古篤生柔嘉俾

胤祖考光輔國家三葉在服帝載用和粵暨我公充

執丞貞在棟伊隆于鼎斯寧德被宇宙華夏以清受

茲介福履祚孔成爲邑河渭衮冕紱珽音捷大圭以

佐天子祇事三靈不顯伊德萬邦作程爰銘爰贊式

昭懿聲

拜

紀無述

無銘口字

業際凡

丕

蔡中良集 卷六

二

三



三四 文烈侯楊公碑

要政業

以

問 無蒙字

保師作師保 援主

教人

無口口

无

茲

公

明則銘

故

編

公諱賜字伯猷兼通五典周覽篇籍以為尚書帝王之要政有國之大本也是以三葉相承研其精義五代之微言王政之絢綱罔不尋其端源究其條貫凜乎其見聖人之情旨也蓋以韜騰餘蹤思高游夏初潛山澤授誨童冠後生賴以發穠蒙蔽文其材素者蓋不可勝數乃由宰府遂作帝臣于時聖幼將入學羣公以溫故知新德宣師保乃以越騎校尉授於堯光之內帝座巴北面以納大誨其黻陳善誘則恂恂

焉罔不伸也引情致諭則閭閻焉罔不釋也迄用有成緝熙光明惟帝念功六在九卿三事助假皇天澤充區域疆土建封申增戶邑人臣之極位兼而有之然處豐益約九命滋恭可謂高朗令終有始有卒者已於是門生大將軍何進等瞻仰洙泗公喪之禮糾合朋徒稽諸典制僉以為匡弼之功政事之實詔策之諫則史臣志其詳若夫道術之美授之方策則是門人二三小子所特貫綜敢竭不才譔錄所審書于碑乃申頌曰巍巍聖猷匪師不昭士子困蒙匪師不



教於皇文父邈哉伊超如玉之固如嶽之喬鑽之斯  
堅仰之彌高示我顯德授我無隱正席傳道承帝之  
問誨茲一人羈邦作順微微我徒實賴遺訓文武作  
式元勛既奮光啓爵土垂統末胤存榮亡哀沒而不  
泯

三五 司空文烈侯楊公碑

曰漢有國師司空文烈侯楊公公惟司徒之孫太尉  
公之胤子皇祖考以懿德膺及肄勤感建休勲啓洪  
範公祗服弘業克丕堂構小乃不敢不慎大亦不敢

曰在漢有上

詞式

考

辟舉

董

無以字頌

藏

禁言無數字

不戒用罔有擇言失行在於其躬洎在辟舉先志載  
言罔不攸該乃自宰臣以從王事立功不有用辭其  
祿違作御史允執國憲納于侍中在帝左右爰董武  
攘王師孔閑羣公以舊德碩儒道通術明宜建師保  
延入華光侍宴露寢敷典誥之精旨達聖王之聰獻  
帝以機密齊栗常伯劇任鮮克知臧以釐其采命公  
再作少府俾率其屬以熙庶績天地作險國家丕承  
軍門祛禁式遏寇虐命公再作光祿亦總其熊羆之  
士不貳心之臣保乂帝家巖巖大理惟制民命命公



之恤作恤之

父作五 孝作教

烈

翼

作廷尉惟刑之恤旁施四方惟明折獄蔽罪于憲之  
 中亦惟三禮六樂國之元幹命公作太常明德惟馨  
 八音克諧神人以和永世豐年溥天率土而衆莫外  
 命公作司空公唯戢之翊明其政時惟休哉惟天陰  
公惟戢之時惟休執親古姓數年教  
 隲下民彝倫所由順序命公作司徒而敬敷五教以  
 親百姓父義母慈兄友弟恭子孝時惟休哉昭孝於  
 辟雍命公作三老帝躬以祇敬遵有虞於上庠茫茫  
 大運垂光烈耀命公作太尉璇璣運周七精循軌時  
 惟休哉帝欲宣力于四方公則翼之辟道或遵公則  
 弼之虔恭夙夜不敢荒寧用對揚天子丕顯休命天  
 子大簡其勲用授爵賜封侯于臨晉功成化洽景命  
 有傾帝乃震慟執書以泣命于左中郎將郭儀作策  
 賜公驃騎將軍臨晉侯印綬兼號特進諡以文烈寵  
 命畢備而後卽世肆其孤彪敢儀古式昭銘景烈銘  
 曰天鑒有漢誕生元輔世作世事勛在王府乃及伊  
 公克光前矩悉心畢力胤其祖武化洽羣心澤漫綿  
 宇帝曰文烈朕嘉君功為邑河渭建茲土封申備九  
 錫以祚其庸位此特進于異羣公昔在申呂佐周

土封作封土

臣在



室

宣崧萬作頌大雅揚言今我文烈帝載用熙參光日月比功四時身歿名存永世慕思

四一 太傅文恭侯胡公碑

公諱廣字伯始交趾都尉之元子也公應天淑靈履性貞固九德咸修百行畢備遭家不造童而夙孤上奉繼親下慈弱弟崎嶇儉約之中以盡孝友之道及至入學從訓歷觀古今則生而知之聞一觀十兼以周覽六經博總羣議旁貫憲法通識國典年二十七察孝廉除郎中尚書侍郎尚書左丞尚書僕射幹練機

貞正空格

無節字 尚字不重

中 心下無口口

安 以 思

無身字 避乃

尉

無書 太常字

事綢繆樞極忠亮唯介簡于帝心智幽周密冠于庶事遷濟陰太守其為政也寬裕足以容衆和柔足以安物剛毅足以威暴體仁足以勸俗故禁不用刑勸不用賞其下望之如日月從之如影響恩不可忘度不可革遺愛結於人心超無窮而垂則徵拜大司農遂作司農遷太尉以援立之功封安樂鄉侯錄尚書事稱疾屢辭策賜就第復拜司空功成身退俾位特進又拜太尉復以特進致命休神又拜太尉遜位歸爵旋于舊土徵拜太中大夫尚書令太僕太常司徒

卷六

七



無神字 人下有字

已 祿

拜下有字 家下無家字

未作賜采

賜

無吉字 墓上有字

續

意

高 幾

虞 尤

熙雍作雍熙

蕃

永康之初以定策元功復封前邑錄尚書事疾病就  
 第又授太傅入參機衡五蹈九列七統三事諒闇之  
 際三據冢宰和神人於宗伯理水土於下台訓五品  
 於司徒耀三辰于上階光弼六世歷載三十自漢興  
 以來鼎臣元輔耄耋老成勲被萬方與祿終始未有  
 若公者焉春秋入十二建寧五年三月壬戌薨于位  
 天子悼惜羣后傷懷詔五官中郎將任崇奉冊贈以  
 太傅安樂鄉侯印綬拜冢家子一人郎中賜東園秘  
 器賜繅帛含歛之備中謁者董詡弔祠護喪錢布賻

賜率禮有加賜諡曰文恭昭顯行迹四月丁酉葬于  
 洛陽塋故吏濟陰池喜感慕之義率慕黃鳥之哀推  
 尋雅意彷徨舊土休績丕烈宜宣于此乃樹石作頌  
 用揚德音詞曰於皇上德懿鑠孔純大孝昭備思順  
 履信膺期命世保茲舊門淵泉休茂彪炳其文爰禱  
 天機翼翼唯恭夙夜出納紹跡虞龍賦政于外神化  
 玄通普被汝南越用熙雍帝曰休哉命公三事乃耀  
 柔嘉式是百司股肱元首庶績咸釐二氣燮雍五徵  
 來備勲格皇天澤洽后土封建南藩受茲介祐玉藻



驕 運

在冕纛服艾輔輅車雕駿四牡修扈贊事上帝祗祀宗祖陟降盈虧與時消息既明且哲保身遺則同軌且奠光充區域生榮死哀流統罔極

四三 太傅胡公碑

維漢二十有一世建寧五年春三月既生魄八日壬戌太傅安樂鄉侯胡公薨越若來四月辛酉葬我君文恭侯於是掾太原王允鴈門畢整屬扶風曾宙潁川殷歷等僉謂公之德也柔而不犯威而不猛文而不華實而不朴靜而不滯動而不躁總天地之中和覽生民之上操聰明膚敏兼賢先覺涉觀憲法契關文學睹臯陶之闡闡據孔子之房與然而約之以禮守之以恭寬之以納衆汎愛多容其誘人也恂恂焉怡怡焉能使蒙惑開析為<sup>懷</sup>度優順逸情勤信及其創基<sup>即</sup>發跡機密聖朝其知其能夙夜惟寅以允帝命是以頻繁機極三升而不出焉乃還譚其舊章彌綸古訓貫萬品研精微用補前臣之所闕十年而無愆強記同乎富平周慎逸於博士偶山甫乎喉唾疋虞龍而納言唯帝命公以二郡其為政也導人以德帥物

無故字

殷為 敦姓見急就章

睿 無資字

寬下有之字

感作感 懷作復 無者字 為反作偽 庚

其 贊

計可 逸

工 師物



無教以忠三字 天

纏榮

宣治 猛

之

號

堂 据

無策勳三字

灵

中

無其詞曰三字

朝 庶

不

以已敦以忠肅勵以知耻人悅其化夫樂其和士相  
勉於公朝民勸行於私家微纒繁而靡係鞭朴棄而  
無加洋洋乎若德宣播嚴以為威寬以為福而已哉  
五作卿士七蹈相位太僕司農太傅司空各一司徒  
特進各二太常太尉各三光輔六世歷載三十有餘  
其致治也通水泉於潤下蕃后土於稼穡訓五品於  
羣黎崇人物於區域耀三辰於渾元協大中於皇極  
傳聖德於幼冲率且直於舊職譬彼四時功成則退  
在盈思冲升降以順建封域於南土踐殊號於特進

榮祚統業垂乎來胤公自二郡及登相位凡所辟用  
遂至大位者故司徒中山祝括其餘登堂閣據賦政  
策勳樹功流化者蓋不可勝載惟我末臣頑蔽無聞  
仰慕羣賢惡乎可及自公寢疾至于薨斃參與嘗禱  
列位喪位雖庶物戮力不愆于禮進睹墳塋几筵靈  
設退顧靈廡齋儀永闕感悼傷懷心肝若割相與累  
次德行撰舉功勳刊之于碑用慰哀思其詞曰煥文  
德伊朝后應期運作漢輔嘉中興膏民庶澤洪淳亶  
攸序亘地區充天宇躡高遠踵遐武揚景烈垂不朽



仰邃古耀昆後

四二胡公碑銘

公諱廣字伯始南郡華容人也其先自媯姓建國南  
土曰胡子春秋書焉列于諸侯公其後也考以德行  
純懿官至交趾都尉公寬裕仁愛覆載博大研道知  
機窮理盡性凡聖哲之遺教文武之未墜南有不綜  
年二十七察孝廉除郎中尚書侍郎左丞尚書僕射  
內正機衡允釐其職文敏暢乎庶事密靜周乎樞機  
帝用嘉之遷濟陰太守余乃布愷悌宜柔嘉通神化

由上有令字

導作道拂有揚字

導靈和拂惠風以養真激清流以盪邪取忠肅於不  
言消奸宄於爪牙是以君子勤禮小人知耻鞭推息  
於官曹刑戮廢於朝市餘貨委於路衢餘糧棲于畝  
畝遷汝南太守增修前業考績既明入作司農實掌  
金穀之淵藪和鈞關石王府以充遂作司徒昭敷五  
教進作太尉宣暢渾元人倫輯睦日月重光遭國不  
造帝祚無主援立孝桓以紹宗緒用首謀定策封安  
樂鄉侯戶邑之數加于羣公入錄機事聽納總已致  
位就第復拜司空敷土導川俾順其性功遂身退告

聰



大

和

亮

缺

成

于

無厚字

共

台父下有通也字  
無而走二字  
白屋見家語

通下無也字

我礼

美

德

遂

疾固辭乃為特進爰以休息又拜太常典司三禮敬  
恭禋祀神明嘉歆永世豐年聿懷多福復拜太尉尋  
申前業又以特進逍遙致仕又拜太常搆疾不夷遜  
位歸爵遷於舊都徵拜太中大夫延和末年聖主革  
正幸臣誅斃引公為尚書令以二千石居官委以闡  
外之事釐改度量以新國家弘綱既整衮闕以補乃  
拜太僕車正馬閑六駟習馴遷太常司徒咸宗晏駕  
推建聖嗣復封故邑與參機密寢疾告退復拜太傅  
錄尚書事于時春秋高矣繼親在堂朝夕定省不違

子道旁無几杖言不稱老居喪致哀率禮不越其接  
下荅賓雖幼賤降等禮從謙厚尊而彌恭勞思萬機  
身勤心苦雖老萊子嬰兒其服方叔克壯其猷公且  
納于台屋正考父循牆循禮曷以尚茲夫蒸蒸至孝  
德本也體和履忠行極也博聞周覽上通也勤勞王  
家茂功也用能半登三事篤受介祉亮皇業於六垂  
嘉委績於九有窮生人之光寵享黃耇之遐紀蹈明  
德以保身與福祿乎終始年八十有二建寧五年春  
壬戌薨于位天子悼痛贈策賜誄諡曰文恭如前傳



之儀而有加焉禮也故吏司徒許詡等相與欽慕崧  
 高蒸民之作取言時計功之則論集行跡銘諸琬琰  
 其詞曰伊漢元輔時惟文恭聰明獻哲思心瘁容畢  
 力天機帝休其庸賦政于外有邈其蹤進作卿士粵  
 登上公百揆時瘼五典克從萬邦黎獻共唯時雍勲  
 列旣建爵土乃封七被三事再作特進弘唯幼冲作  
 傳以訓赫赫猗公邦家之鎮澤被華夏遺愛不倫日  
 與月與齊光並運存榮亡顯沒而不泯

四四  
 胡太傅祠前銘

天鑿有漢山嶽降靈於肅文恭應期誕生好是懿德  
 柔惠且貞爰在初服皇嘉其聲納于機密機密惟清  
 守于三邦三邦華寧越尹三卿百揆時瘼七受帝命  
 作踐元輔左右六世靖綏土宇蠢彼羣生保賴尊敘  
 紹跡龍夷繼軌山甫遭國不造仍世短祚援立聖嗣  
 得公之謨帝曰文恭朕嘉藉功為邑安樂以祐其庸  
 登位特進于異羣公休命不顯光寵克章公拜稽首  
 是對是揚藹藹惟公民斯攸望春秋旣暮倏爾乃喪  
 不慙是遺俾屏於皇新廟奕奕于以蒸嘗子子孫孫

秉

在初作初在  
機密二字不重

三邦二字不重

銘

乃  
祐

望



承嗣無疆

蔡中郎傳 胡廣黃瓊頌

巖巖山嶽配天作輔降神有周生申及甫允茲漢室  
誕育二后曰胡曰黃方軌齊武惟道之淵惟德之藪  
股肱元首代作心膂天生蒸人有則有類我胡我黃  
鍾厥純懿巍巍特進仍踐其位赫赫三事七佩其紱  
奕奕四牡沃若六轡袞職龍章其文其蔚參曜乾台  
窮寵極貴功加八荒羣生以遂超哉邈乎莫與為二

三 封隆楊公碑

司空 秉

緒 熹

七葉作業 考

無高字

公諱秉字叔節弘農華陰人其先蓋周武王之穆晉  
唐叔之后也末葉以支子食邑于楊因氏焉周室既  
微裔胄無緒暨漢興烈祖楊喜佐命征伐封赤泉侯  
嗣子業紱冕相繼公之不考以忠蹇亮弼輔孝安登  
司徒太尉公承夙緒世篤儒教以歐陽勸書嘉氏易  
誨授四方學者自遠而至蓋踰三千初辟司空舉高  
第拜侍御史遷豫州兗州刺史任城相徵入勸講拜  
太中大夫左中郎將尚書出補右扶風留拜光祿大  
夫遭權嬖貴盛六年守靜外戚火燔乃遷太僕太卿

大 乃有爾字 大卿



冒 苛 海內 簡

無歸伴用字  
口作過

恕

紕

無公字 是

疾唯 無益字

無躬字

有克

汀 伴

竟

無赤字 氣作神

這下有用字

公事紕位浹辰之間俾位河南憤疾彖彘見邁姦黨  
用嬰瘞廢起家復拜太常遂陟太尉沙汰虛冗料簡  
貞實抽援表達與之同蘭芳任鼎重從駕南巡為朝  
顧德然知權過於寵私富伴國奢固苛察望變復還  
條表以聞啓導上怒其時所免州牧郡守五十餘人  
饗戾是黜英才是列善否有章京夏清肅在位七載  
年七十有四延熹八年五月丙戌薨朝廷惜焉寵賜  
有加公自奉嚴敕動遵禮度量材授任當官而行不  
為義紕疾是苛政益固其守厨無宿肉器不鏤雕夙

喪嬪儷妾不嬖御可謂立身無過之地正直清儉該  
備者矣昔仲尼嘗垂三戒而公免焉故能匡朝盡直  
獻可去奸忠伴前後聲塞宇宙非黃中純白窮達一  
致其惡能立功立事敷聞于下昭升于上若茲巍巍  
者乎於是門人學徒相與刊石樹碑表勒鴻勳讚懿  
德傳億年於戲公唯嶽靈天挺德翼奎補氣網緼仁  
哲生應台任作邦楨帝欽亮訪典刑道不惑乞有成  
光遐邇穆其清

三二 司空臨晉侯楊公碑



皇帝遣中謁者陳遂侍御史馬助持節送柩陳遵桓  
 典桓蘭臺令史十人將羽林騎鉦軍介士前後鼓吹以  
 驃騎將軍官屬及司空法駕與公卿尚書三臺以下  
 葬我文烈侯三年九月甲申小祥會如初四年九月  
 戊申大祥公卿尚書三臺以下會如小祥之禮公之  
 祖納忠於前朝以罹維艱禍父隱約蟄瘁治家師導唯  
 儉之尚公生值也歟謙福資賄屢空手執勤役遠涉道里  
 以修經術險阻艱難曷所不嘗侍特以其靜則貞真一審  
 固動則不違則度統含容覆載無競伊人謀無不忠言

無不信自在弱冠布衣之中固已流芳名著茂實公  
 孫同倫莫能齊焉者矣州郡禮招莫之能屈委百里  
 位辟公車令自侍御史侍中已往道為帝師德為世  
 表體尊名重階級彌崇而公處以恭遜行以固慎德  
 大而心小居高而志意降夫驕吝之釁周公其猶病諸  
 而公脫然以為行首不以泰乎及其所以匡輔本朝  
 忠言嘉謀造膝詭辭當事而行言從既不敢許納亦不敢宣  
 密誠潛功貽于帝躬家無遺草論者不見嗟乎誠為  
 違事君之體得人臣之上儀諸已公素不貴歸非不



樂引美故雖彷彿猶不敢載以順公之雅初受封自  
以功不副賞前後固辭章凡十上憂愠悄悄形于容  
色雖不克從情旨昭顯晚節為廷尉公曰昔在三后  
成功惟殷于民而臯陶不與焉蓋吝之也及為特進  
又曰唯漢重臣中興以來克稱斯位者其唯高密元  
侯乎吾何德以堪諸寢疾顧命無辭要言約戒忠儉  
而已孤彪銜恤永思綴輯所履以贊銘之銘曰赫赫  
烈侯卓爾超倫於唯楊公乃華降神故能明哲德亞  
聖人受茲介福位極人臣包羅五典本道根真為國

之師誨上經文頻歷鄉校五登鼎鉉建名著忠確越  
前賢攘災興化螽音謀食蟹音賊食禾不臻風雨以  
時屢獲有年三葉宰相應祚于天臨晉是侯子子孫  
孫億兆不窮如山之堅四時潔祀以承所尊祀事孔  
明奉亡如存馥馥芬芬用慰顯魂



蔡中郎集卷第七

漢 陳留蔡邕著

明新安汪士賢校

五二 太尉汝南李公碑

公諱咸字元卓汝南西平人蓋秦將李信之後孝武  
大將軍廣之胄也枝流葉布家于茲土文武繼踵世  
為著姓曾祖父江夏太守伯父東郡太守公受純懿  
之資整忠清之節夙夜嚴懔孝配大舜敦詩書而稅  
禮樂觀天文而察地理勤與神念辨執澆穢操獲龜

九 乃

無公字

萃 恭

無口流 合契作契合  
抗下有流字



國有以字

官

勳家

舍

無尹口無

愈

格下空一格無口口口之不作還 匠作巨

厯

濁作行 口作耳 兆心作萬年

下作上 無口口

析 虞

無年字 口作嘉

無是字

哲

推 与敏

喜 奠

齊中良集卷七

擬德過孔父舉孝廉除郎中光祿茂才遷衛國公相  
 受高密令勤恤民隱政成功簡遷徐州刺史百司震  
 肅饗餐風靡惡直醜正恭事法官帝念其勤屢被榮  
 命漁陽太守還遷度遼將軍協德魏降和戎綏邊徵  
 河南尹口唐毋憂乞行服闕奔命孝和皇帝時機密久缺  
 百僚僉允詔拜尚書歷僕射令納言危行不絀以公  
 事去民神憤怒群公薦之帝曰俞哉徵拜將作大匠  
 大司農大鴻臚大僕射公所蒞極憲天心以教育激  
 垢濁以揚清懿鑠之美昭登于上不顯之化宜聞于

為國口賞蓋有德兆之心

下及遷魯司位太尉補衮闕叙彝倫天人交格終始  
 無疵雖元凱翼虞周召輔姬未之或踰功遂身退以  
 疾自遜求歸田里告老致仕七十有六嘉平四年薨  
 海內咨嗟莫不惻焉故吏潁川太守張溫等相與嘆  
 曰名莫隆於不朽德莫盛於萬世銘勒顯于鐘鼎蕭  
 烈光于來裔刊石立碑德載不泯詞曰天垂三台地  
 建五岳降生我哲應鼎之足奕世載德名昭圖錄既  
 文且武桓桓紹續外則折衝內則大麓惟清惟敏品  
 物以獻告老懸車天人靡欺曾不百齡地我國基人



之云亡八極悼思維德祚頌光寵宣流鐫紀斯石鴻

烈顯休

三七 劉鎮南碑

君諱表字景升山陽高平人也君應期挺生瑰偉大

度黃中通理博物多識為郡功曹千里稱平上計吏

辟大將軍府遷北軍中侯在位十旬以賢能特選拜

刺史朝吏荆州永平元年十一月到官清風先驅莫不震

肅奸宄音鬼奸改節不仁引頸君乃頒愷悌流惠和

慕唐叔之野棠思王遵之驅印賦政造次德化宣行

俄而漢室大亂禍起蕭牆賊臣專政豪雄虎爭縣邑

間里奸宄奸仇烟煙發州縣殘破天下土崩四海大壞當是

時也雖有孔翟之聖賢育鳥獲育鳥獲之勇勢無所措其智力

君遇險而建略遭難而發權招命英俊爰得驍雄謀

臣武將合策明計出次北境竟遷屯漢陰因滄浪以為

隍因卽春葉業以為墉庸南撫衡陽東綏淄沂西靖巫山保

又四疆選才任良式序賢能簡將命卒綦布星陳備

要塞之處戍經八方之邊勸稼穡務農以田以漁稔粟紅

腐年穀豐夥江湖之中無劫掠之寇沅湘之間無攘



竊之民郡守令長冠帶章服府寺亭鄉崇棟高門皆  
 如其舊當世知名輻輳而至四方襁負自遠若歸窮  
 山幽谷於是為邦百工集趨機巧萬端器械變通利  
 民無窮隣邦懷慕交楊益州盡遣驛使冠蓋相望下  
 民有康哉之歌群后有歸功之緒莫匪嘉績克厭帝  
 心即遷州牧又遷安南將軍領州如故于時諸州或  
 失土流播或水潦受沒害人民死喪百遺二三而君保  
 完萬里至于滄海聖朝欽亮析圭授土遣御史中丞  
 鍾繇即拜鎮南將軍錫鼓吹大車策命褒崇謂之伯  
 父置長史司馬從事中郎開府辟召儀如三公上復  
 遣左中郎將祝耽授節以增威重并督交楊二州委  
 以東南惟君所裁雖周召授分陝之任不遠過也交  
 州殊遠王塗未夷夷民歸附大小受命其郡縣長吏  
 有缺皆來請之君權為選置以安荒裔輒別上聞齊  
 桓遷邢封衛之義也武功既亢廣開問靡泮設俎豆陳  
 壘爨親行鄉射躋彼公堂篤志好學吏民子弟受學  
 之徒蓋以千計洪生巨儒朝夕講誨閭閻如也雖洙  
 泗之間學者所集方之無異也深愍末學遠本離實

卷之七

三



乃令諸儒改定五經章句刪刻音產浮辭音抄莫音抄伐音抄

除煩重音抄又求遺書寫還新者留其故本於是古典畢

集充于州閭及延見武將文吏教令温雅禮接優隆

言不及軍旅之事辭不違官曹之文上論三墳八索

之典下陳世教忠義之方内剛如秋霜外柔如春陽

不伐其善不有其庸如彼川流每往滋通可謂道理

不才命世希有者已仁者壽宜享期考昊天不弔年

六十有七建安十三年八月遘疾殞薨耕夫罷耜織

女投杼老幼哀號若喪父母時道路艱險留墳州土

轉移歸葬父勉其子妻勉其夫欲共扶送至于鄉里

南陽太守樂鄉亭侯自曼思等言及志在州里者各發

卒具送靈柩之資共授徵拜五官中郎將乃疏上請

歸本縣葬見聽許太和二年葬於先塋於是臣故所

浴咸以為申伯韓侯之翼周室受輅車乘馬玄裘赤

鳥之賜詩人詠功列于大雅至今不朽况乎將軍牧

二州歷二紀功載王府賜命優備賴而生者毓子孕

孫能不歌嘆乃作頌曰猗歟將軍膺期挺生桓桓其

武温温其仁初幹千里允顯使臣幕府禮命集于北



忠文作文忠

南下有四字

陽下無舊字  
久作文

城尉

敵

厲

改

女之

軍督齊禁旅如熊如熊眷然南顧綏我荆衡將軍之  
來民安物豐江湖交壤刑清國興菽芾甘棠召伯聽  
訟周人勿刻我賴其積根欲報之德胡不億年如何殂  
逝孤棄萬民鐫勒墓石以紀洪勳昭示來世垂芳後  
昆

一九 朱公叔墳前石碑

維漢二十一世延熹六年粵四月丁巳忠文公益州  
太守朱君名穆字公叔卒于京師其五月丙申葬于  
宛邑北萬歲亭之陽舊兆域之南其孤野受顧命曰

古者不崇墳不封墓祭服雖三年無不於寢今則易  
之吾不取也爾其無拘于俗無廢乎誠野欽率遺意  
不敢有違封墳三板不起棟宇乃作祠堂于邑中南  
舊陽里備器鑄鼎銘功載德懼墳封彌久夷于平壤  
於是依德像緣雅則設茲方石鎮表靈域用慰其孤  
罔極之懷乃申詞曰歎惟忠文時惟朱父實天生德  
丕承洪緒彌綸典術允迪聖矩好是貞厲疾彼強禦  
斷剛若仇柔亦不茹仍用明夷遘難受侮帝曰休哉  
朕嘉乃功命汝納言胤汝祖蹤父拜稽首翼翼惟恭



督

我皇二字不重

列老

於宛作朱

無貞宣字  
先生上有曰字

正作享 禰作遺祿

鷄鷩不忘夙夜在公昊天不弔降茲殲殃不遺一父  
俾屏我皇我皇悼心錫詔孔傷位以益州贈之服章  
用刊彝器宣昭遺光子子孫孫永載寶藏

一八 朱公叔鼎銘

忠文朱公名穆字公叔有殷之胄微子啓以帝乙元  
子周武王封諸宋以奉成湯之祀至元子啓生公子  
朱其孫氏焉後自沛遷于南陽之宛遂大於宋爵位  
相襲烈祖尚書令肅宗之世守于臨淮考曰實為陳  
留太守適及忠文克慎明德以紹厥祖禰之遺風悉

貞宣先生

心臣事用媚天子顯允其勳蹟尋綜六藝契濶馳思  
所以啓前惑而覺後疑者豐焉雖商偃其猶病諸

豐令

初舉孝廉除郎中尚書侍郎獨念運際存亡之要乃  
陳五事諫謀深切退處畎畝以察天象變應著焉孝  
順晏駕賊發江淮時辟大將軍府實掌其事用拜宛  
陵令非其好也遂以疾辭復辟大將軍再拜博士高  
第作侍御史明司國憲以齊百僚矯枉董直罔肯阿  
順以黜其位潛于郎中群公並表乃遷議郎登于東  
觀纂業前史於疇冀朔凶荒年饑民匱而貪婪之徒

享

無莊字

有



令德作此 無者字  
因有惡字 人作除

匪

寃作 粟之

王

質

安樂作当

無代字

庸

熙 頽

編

乘之為虐錫命作牧靜其方隅乃攄洪化奮靈武昭

令德塞群違貞良者封植殘疾者芟夷去惡除盜無

俾比而作慝用陷我非辜復徵拜議郎病免官徵拜

尚書清一以考其素正直以醇其德出納帝命乃無

不允雖龍犀繡訖山南喉舌靡以尚趨享年六十有

四漢皇二十一世延熹六年夏四月乙巳卒于官天

子痛悼詔曰尚書朱穆立節忠亮世篤爾行虔恪機

任守死善道不幸而卒朝廷憫焉今使權謁者中郎

楊貴贈穆益州刺史印綬魂而有靈嘉其寵榮嗚呼

哀哉肆其孤用作茲寶鼎銘載休功俾後裔永用享

祀以知其先之德

五四 陳留太守胡公碑

君諱碩字季獻交趾都尉之孫太傅安鄉侯少子也

其先與楚同姓別封于胡以國為氏臻乎漢奕世載

德不替舊勳君幼有嘉表克岐克嶷不見異物習與

性成孝于二親養色寧意蒸蒸雍雍雖曾閔顏萊無

以尚也總角入學治孟氏易歐陽尚書韓氏詩博綜

古文周覽篇籍言語造次必以經綸加之行已忠儉







度旅

恨

元

爰自登朝進退以方見機而作如鴻之翔乃位常伯  
恪處左右兼掌虎賁禁戎允理邁茲虐痾帝用悼止  
俾守陳留庶篤其祉王人既詔景命不俟嗚呼昊天  
殲我英士如何贖也命不自已哀哉永傷萬年是紀

五五 陳留太守胡公碑銘

君諱碩字季獻交趾都尉之孫太傅安樂侯之子也  
順帝時為郎中桓帝時遭叔父憂以疾自免荊州將  
軍每辟輒辭疾後以高第拜侍御史遷諫議大夫舉  
賢良方正病不詣公車建寧元年七月拜陳留太守

詔下有書字

口等字作吉

無願字

就

誦吉申作誦自甲

義作序  
無身口口口銘曰六字

願作欽無口思作思

病加不任應召詔使謁者劉惔即授印綬二十一日  
卒詔遣使者王謙以中牢具祠特賜錢五萬布一百  
疋贈穀三千斛儔類赴送遠近鱗集於時陳留主簿  
高書蔡軫音枕車後等咸以郡選克備官屬來迎者  
三十四人奔驚跋涉願承清化逢天之威不獲延祚  
痛心絕望切怛永慕乃相與衰經庭位號咷靈柩將  
窆音便下申音申敕修儀夜在輿服察御部引各執其職  
路人感愴觀者嘆息遂樹碑作銘以表令德於藐下  
國瞻仰俊又欽見我君爰綬我惠式昭績思有勞其



穎

備近

方垂

与

無之字

文王作王文

逮

學

規

枉措極楊

悴昊天不弔景命顛墜悠悠蒸黎惆悵喪氣政雖未  
宣商之遺愛祁祁我君習習冠蓋修誠以遜曾不東  
邁靈魂徘徊靡所瞻逮惟其傷矣胸肝摧碎勒銘告  
哀傳於萬代

三六 琅琊王傅蔡公碑

君諱朗字仲明蓋倉頡音歇詩傳云飛而上曰頡之精胤姬稷之  
末胄也昔叔度文王之昭建侯于蔡以國氏焉迄于  
平襄周祚微缺王室遂卑齊晉交爭強楚侵陵昭侯  
徙于州來公族分遷氏家于圍奕葉載德常歷官尹

以逮于茲君雅操明允威厲不猛履孝悌之性懷文  
藝之才包洞典籍刊摘沉秘知機達要通含神契既  
諫三五之術又采二南之業以魯詩教授生徒雲集  
莫不自遠並至栖遲不易其志簞食曲肱不改其樂  
心棲清虛之域行在玉石之間是以德行儒林智周  
當代四岳稱名帝曰秦聞元和元年徵拜博士舒演  
奧秘贊理闕文所立卓爾度躡雲蹤其選士也抑頑  
錯枉進聖擢偉極遺逸於九臯揚明德於側陋拔茅  
以彙幽滯用濟加以清敏廣深好是正直規誨之策



曰蕃 無胃字

直蔡 道修下有德字

澗琅及 經看行字

無命字

無哀哉字

無口口

蕃

廟

均淪

日諫王庭忠謹著烈令聞流行聖朝以藩國貴胄先  
 帝遺體或以繼絕襲位正於阿保未洽雅訓驕盈僭  
 差或蹈憲理非弘廕碩儒莫能匡弼蔡君道審行修德  
 進退可度遷河間中尉琅瑯王傅乃從經術之方示  
 以斐譏之威率禮莫違其國用靖雖安國之輔梁孝  
 仲舒之相江都靡以加焉勳績既盛帝簡其功將授  
 上位遷于紫宮職壽不永遘此疾凶年五十八永興  
 六年夏卒嗚呼哀哉凡百君子咨痛罔極殷懷傷悼  
 會滄流惻如何昊天喪我師則爰勒斯銘式昭其德  
 天敏明哲於赫我君含弘光大玄覽孔真潛樂教思  
 韞玉衡門雲龍感應養徒三千珠藏外耀鶴鳴聞天  
 若時徵庸登祚王臣統彼前疑定此典文叅佐七德  
 俾相太藩身沒稱顯永遺令勳表行揚名垂示後昆

二五 汝南周巨勝碑

君諱勰字巨勝陳留太守之孫光祿勳之子也君應  
 坤乾之縟靈繼命世之期運玄懿清朗貞厲精粹體  
 仁足以長人嘉德足以合禮總六經之要括河洛之  
 機援天心以立鈞贊幽明以揆時沉靜微密淪於無



無巨細洪三字  
織上有之字

內寬裕弘博含乎無外巨細洪織罔不總也是以實繁於華德盈乎譽初以父任拜郎中疾去官察孝廉是時郡守梁氏外戚貴寵非其好也遂以病辭太守復察孝廉乃俯而就之以明可否然猶私存衡門講誨之樂不屑已也又委之而旋故大將軍梁冀專國作威海內從風世之雄材優逸之徒莫不委質從命而顛覆者蓋亦多矣聞君洪名前後三辟卒不降身由是搢紳歸高群公事德太尉司徒再辟三辟察賢良方正擢舉妻廉皆病不就擾攘之際災青仍發聖

舉上有以字  
無茂字

之感

語東效

無外字

庭上有外字

滑

九上有其字

所上有注字  
也上有者字

上詢諮師錫策命公車特徵君仰瞻天象俯察人事世路多險進非其時乃托疾杜門靜居里巷無人跡外庭生蓬蒿如此者十餘年強禦不能奪其守王爵不能滑其慮至延熹二年乃更闢門延賓享宴醜樂及秋而梁氏誅滅十二月君卒然則識機知命可觀於斯矣洋洋乎若德雖崇山千仞重淵百尺未足以喻其高究其深也夫三精垂耀處者有表爰在上世作者七人焉有該百行備九德齊光日月洞靈神明如君之至者與實所謂天畀之秀也享年五十不登



始迄今與

以密

咸作川

蓋與 共案伯

尅

先世作光

無英字 循但

有作友 棟作隸  
隸下有己字

古字有華字 高

口口作思嬰兒三字  
信邑作邑信 治作治

古候作候占

期耄遐邇歎悼痛心失圖乃相與建碑勒銘以旌休  
美其辭曰厥初生民天賜之性有龐有醇有否有聖  
伊惟周君允卣其政誕茲明德自貽哲命煥乎其文  
如星之布確乎不拔如山之固追躒先緒應期作度  
潛心大猷羣思德謨遁世無悶屢辭王寮洋洋泌丘  
于以逍遙茂爾童蒙是訓是教瞻彼榮寵譬諸雲霄  
優哉游哉侔此弘高名振華夏光耀昆苗清風丕揚  
德音孔昭

二六 彭城姜伯淮碑

先生諱肱字伯淮彭城廣人也其先出自帝胤音在

皇唐蓋與四岳共葉百夷能禮於神舜命秩宗爰封于呂

其裔呂望佐周克殷俾侯齊國姓有姜氏即其後也

高祖祖父皆豫章太守穎陰令先生既蹈先世之純

德體英妙之高姿立性純固百行修備茲其平生所

能事親惟孝如大舜五十而慕友于兄弟有棠棣之

華音葦花藝音盛貌韡音盛貌之度體惠理和有上德之素安靜守

約恩及嬰兒至操動信邑中化之外戶不閉治藏無

隱及其學而知之者三墳五典八索九丘俯仰占候

古候作候占

十四



効

外

按

建安

東坡辨曰多段於建安  
而此碑疑後人偽作

無游字

惟一錄上有咸字

推步陰陽有名物定事之能獨見先覩之効然猶學而不厭誨而不倦童冠自遠方而集者蓋千餘人夫水盈而流德交而形是故德行外著洪聲遠布華夏同稱名擢當世凡十辟公府九舉賢良方正公車請徵玄纁禮聘又家拜犍音堅為太守大中大夫先生盤桓育德莫之肯就不隕獲於貧賤不充詘於富貴拔乎其萃出乎其類生民之傑也年七十有七建寧二年四月辛巳卒於是從遊弟子陳留申屠蟠等悲悼傷懷懼微言之欲絕感絕輪之盛事乃建碑於墓

是猶一求一偉厥德

有上有其字 煥其作興  
口十頁今作五加碎命 殷作獲

遠

無碑字

甄述景行邈矣先生應天淑靈孝友是備上德是經弘此文藝耽怡是寧恂恂善誘童冠來誠有擘其譽有煥其聲顯顯羣公並加辭命赫赫聖皇仍獲其聘委策避國守此玄靜綽乎其裕確乎其操疇昔洪崖雙名並高嗟乎殞沒搢紳永悼依依我徒靡則靡效勒銘金石彌遠益曜

二七 貞節先生陳留范史雲碑銘

先生諱丹字史雲陳留外黃人陶唐氏之後也其在周室有士會者為晉大夫以受范邑遂以為氏漢文



此當作成安 不重延字  
口口作嘉二

促迫作估

無與字

無貴字

敬

辟作君 燕作庶

遊閱

多有博字

禮博

疾離

世

景之際爰自南陽來家于成安生惠延熹二年官至  
司農廷尉君則其後也君受天王性志高行潔在乎  
幼弱固已藐然有烈節矣時人未之或知屈為縣吏  
亟從健進非其好也退不可得乃託死遁去親戚莫  
知其謀遂隱竄山中涉五經覽書傳尤篤易與尚書  
學立道通久而後歸遊集太學知人審友苟非其類  
無所容納介操所在不顧貴賤其在鄉黨也事長惟  
敬養稚惟愛言行舉動斯為楷式郡縣請召未嘗屈  
節其有備禮招延虛已訝正亦為謀奏盡其忠直以

處士舉孝廉除郎中萊蕪長未出京師喪母行服故

事服闋

音闕 止也

後還郎中君遂不從州郡之政凡其事

君過則弼之闕則補之通清夷之路塞邪枉之門舉

善不拘階次黜惡不畏強禦其事繁多不可詳載雅

性謙儉體勤能苦不樂假借與從事荷簣徒行人不

堪勞君不勝其逸辟太尉府俄而冠帶或以群黨見

嫉時政用受禁錮君罹其罪閉門靜居九族中表莫

見其面晚節禁寬困於屢空而性多檢括不治產業

以為卜筮之術得因吉凶道治民情以受薄儻且無



咎累乃鬻卦于梁宋之域好事者覺之應時輒去禁  
 既蠲除太尉張公司徒崔公前後四辟皆不就仕不  
 為祿故不牽於位謀不苟合故特立於時是則君之  
 所以立節明行亦其所以後時失途也年七十有四  
 中平二年四月卒太尉張公兗州劉君陳留太守淳  
 于君外黃令劉君僉有休命使諸儒叅按典禮作誄  
 著謚曰貞節先生昭其功行錄記所履譜於耆舊刊  
 石樹銘光示來世於顯貞節天授懿度誕茲明哲允  
 迪德譽如淵之清如玉之素溷音混濁也世之不濁

得譽

無銘曰字

涅之不汚用行思忠舍藏思固伯夷是師史鮪是慕  
 榮貧安賤不恡窮迕甘死善道遺名之故身沒譽存  
 俸聲載路



蔡中郎文集卷第七終

蔡中郎集卷第八

漢 陳留蔡邕著

明新安汪士賢校

王子喬碑

王子有孫字 上世作世王

彥 其 泊 往

王孫子喬者蓋上世之真人也聞其僊舊矣不知興於何代博問道家或言潁川或言彥蒙初建斯域則其斯丘傳承先人曰王氏墓紹胤音印不繼荒而不祠歷載彌年莫之能紀暨于永和元年十有二月當臘之夜上有哭聲其音甚哀附居者往聞而恠之明則



有

角古

談祗

祗悞

仰

為

有所作所有 馬上有詞曰二字 通作道

秉純作秉絕 長下有風字無四空格

軒推

雷駮筮關

脩

登其墓察焉洪雪下無人蹤見一大鳥跡有祭祀之處左右咸以為神其後有人着絳冠大衣杖竹策立冢前呼樵孺子尹禿謂曰我王子喬也爾勿復取吾先人墓前樹也須臾忽然不見時令太山萬熙稽首老之言感精瑞之應咨訪其驗信而有徵乃造靈廟以休厥神於是好道之儔自遠來集或絃歌以詠太一或讓思以歷丹田其疾病疴音瘵者靜躬祈福即獲祚若不虔恪輒顛踣故知至德之宅兆真人之先祖也延熹八年秋八月皇帝遣使者奉犧牲以致祀

祗懼之敬肅如也相國東萊王章字伯義以為神聖所興必有銘表昭示後世是以賴鄉纒伯陽之蹤關民慕尹喜之風乃詹長史邊乾訪及士隸遂樹玄石紀遺烈俾志道者有所覽焉訶曰伊王君德通靈含光耀秉純貞應大道羨久榮標長口口口口棄世俗飛神形翔雲霄浮太清乘螭龍載鶴音輶音隱音戴華筮奮金齡揮羽旗曳霓旌懽罔極壽億齡昭篤孝念所生歲終闕發丹情存墓冢舒哀聲遺鳥跡覺舊城被絳衣垂紫纓呼孺子告姓名由此悟感怖驚修祠宇及几筵饋饌



香下無空格  
臣作長  
傾下有字

進甘香陳時頌顧馨明禋匡流祉熙帝庭祐邦國相  
黔民光景福耀無垠

二八 玄文先生李子材銘

玄文先生名休字子材南陽宛人也其祖李伯陽周  
柱下史覲衰世而遁焉其後雄俊豪傑往往崛起自  
戰國及漢名臣繼踵支胄散逸其遷于宛尚矣王莽  
竊位漢祚中移祖考其佐世祖匡復郊廟錫封茅土卿  
相牧守于時相逐休少以好學游心典謨既綜七經  
又精群緯鈞深極奧窮覽妙旨居則玩其辭動則察

枝

無祖字

至

用中

無執字  
疾

其變雲物不顯必考其古故能獨見前識以先神意  
若古今常難疑義錯繆前人所希論後學所不覽休  
盡剖判剝散幽暗靡不昭爛猶發憤於目所不覩體  
所不閑遂登東臺觀百王遺風習容闕里以協禮衷  
退而講誨童冠仰焉傳傳音博如也郡署五官掾功  
曹司空胡公顯以儒譽特進大鴻臚仍優禮園請秉  
讓執虛辭此三命不為利回不為義疾臨寵審已不  
動其守可謂純潔皓素綽有餘裕者已其於鄉黨細  
行敦睦九族篤信交友不可得而詳也初娶甄出後

初下空格  
無無字

卷八

三



昭

定回 仲上有為字 無說字

匱

丕

威

安

園 無碑字

園

冥藝 如有列字

其窮 偉

高 應

如

配未字年既五十苗胤不嗣以永壽二年夏五月乙

未卒凡其親嚮朋徒相與大會而葬之鼎俎之禮節

文曲備時令戴君臨喪命謚郡遣丞掾音院公府冠 掾吏也

蓋咸屆既寔而後罷焉於是故好朋舊僉以仲尼既

沒文不在茲韞積美玉喪莫賈之求而無繼懷爾求

思乃刊斯石懿德是承吁茲先生秉德恭勤天啓哲

心其學孔純經緯是綜雅麗是分行已守道匪禮不

遵處約不戚聞寵不欣榮不能華感不能震天徽願

命以讓以仁有惠云載惟邦之珍按典考謚謚以玄

文身沒名彰配音度黑 色也作隣遺譽罔極丕昭億年

嗚呼哀哉

二九 處士園叔則銘

伊漢二十有一世處士有園音混廝也 鼠所居也典字叔則者

夫其生也天真淑性清理條暢精微周密包括道要

致思無形深總曆部織入藝文藻分葩列如春之榮

守根據藁不虛其聲偉德若茲惟世之英乃遂隱身

蒿藪稼穡孔勤童蒙來求彪之用文不義富貴譬諸

浮雲州郡禮招休命交集徒加名位而已莫之能起



復

末

無知字

其

索上銘

也博士徵舉至孝耻已處而復出若有初而無終潔  
 耿介於丘園慕七人之遺風年七十有五建寧二年  
 六月卒臨沒顧命曰知我者其蔡邕乃為銘載書休  
 美俾來世昆裔永有諷誦矧先生之德其辭曰民之  
 齊敏卓時挺生思心精叡綜物通靈術有玄妙于時  
 游情聞道睹異惕然若鷲守死善操與世無營渾其  
 若濁徐然後清綽其若煥終其益貞有恒實難獨秉  
 其經嗟爾來世是瞻是聽

五三 陳留索昏庫上里社銘

社上有曰字

為社

班次

無上字 池作也

遂佐高祖作遂相二字

無侯字大問四字 徒作空及作而封公 嘉祥嘉

無令字

曰社祀之建尚矣昔在聖帝有五行之官而共工子  
 勾龍為后土及其沒也遂為社祀故曰社者土地之  
 主也周禮建為神位左宗廟右社稷戎醜攸行於是  
 受服音任女 胎也土膏恒動於是祈農又頒之于兆民春  
 秋之中命之供祠故自有國至于黎庶莫不禱焉惟  
 斯庫里古陽武之戶牖鄉春秋時有子華為秦相漢  
 興陳平由此社宰遂佐高帝字子木克定天下為右丞相封  
 曲逆侯永平之世虞延為太尉司徒封套臺嘉祥延  
 弟曾孫放字子卿為尚書外戚梁冀乘寵作亂首策

卷之八

五







之史謀不假給蓋常興役猶不克成光緒五年京兆  
尹樊君諱陵字德雲勤恤人隱悉心政事苟有可以  
惠斯人者無聞而不行焉遂諮之郡吏申於政府僉  
以爲因其所利之事者不可已者也乃命方略大吏  
麴音曲麴遂令伍瓊揣度計慮揆程經用以事上聞  
付在三府司農遂取財於豪富借力於黎元樹柱累  
石委薪積土基跂工堅體勢強壯折湍流歛曠陂會  
之於新渠疏水門通窳瀆灑之於畝畝清流浸潤泥  
潦浮游昔日鹵田化爲甘壤梗黍稼穡之所入不可

勝筭農民熙怡悅豫相與談疆畔斐然成章謂之

樊惠渠云其歌曰我有長流莫或遏之我有溝澮莫  
或達之田疇斥鹵音會莫修非不釐饑饉困悴莫恤莫思  
乃有樊君作人父母立我誥畝黃潦膏疑多稼茂止  
惠乃無疆如何勿喜我壤既營我疆斯成泯泯我人  
既富且盈爲酒爲釀蒸彼祖靈貽福惠君壽考且寧

京兆尹樊德雲銘

於顯哲尹誕德孔彰膺帝休命謂篤不忘爰納忠式  
規悟聖皇欽崇園邑大孝允光九命車服昭示采章



軒輶音搖大四牡承祀蒸嘗多士時貢徃役永息道

路孔夷民清險棘同體諸舊兆氓蒙福惠垂無疆守

以罔極

四八 焦君贊 補遺

猗歟焦君常比玄墨衙門之下栖遲偃息泌之洋洋  
樂以忘食鶴鳴九臯音亮帝側迺徵迺用將受衮職  
昊天不弔賢人遘慝不獲一老屏此四國如何寧蒼  
不照斯域惜哉朝廷喪茲舊德恨解學士將何法則

四五 漢交趾都尉胡夫人黃氏神誥

劉

太

命

趣子

史下有即字 康作康

失

又致

夫人江陵黃氏之季女字曰列羸其先出自伯翳別  
封于黃以國氏焉高祖父汝南太守曾祖父延城大  
尹祖父番禺令父以主簿嘗證太守事奉明君以立  
臣節漢南之士以為美談初都尉君娶承故豫州刺  
史即黃君之姊生太傅安樂侯廣及卷令康而卒繼  
室以夫人生童紀未龀而夫夫人懷聖善之姿韜慈  
母之儀撫育二孤導以義方思齊先姑神罔時恫故  
能迄用有成誕膺繁祉廣歷五卿七公再封之祿康  
亦由孝廉宰牧二城九鼎之義夫人是享爰暨稚孫



士三 虎臣作臣虎

贊 無春字

園 字

令

無不返字

而瀛

扎

鑿 逝

又

無告字 定宅作宅定 悉作龍衣

蔡中郎集卷八

更仕王官或典百里或作虎臣銀艾貂蟬近侍顯尊  
受茲介福于我夫人自郡尉仕于京師及廣兄弟式  
叙漢朝夫人居京師六十有餘載其乘輅執贄朝皇  
后採桑桑于蚕官手三盆于繭館者蓋三十年上有  
帝室寵光之休下有堂宇斤斤之祚心耽其榮體安  
其遠圖長慮慮用遺舊居欲留此焉康寧之時亟以  
為言太夫人年九十一建寧二年薨于太傅府是月  
辛酉公之季子陳留太守碩卒于洛陽左池里舍公  
獨哀悼祇慎其屬遵奉遺意不敢失墜乃俾元孫顯

咨度群儒以考其衷金曰共帝舜沒於蒼梧殯於虞  
郊二妃薨於江湘不即兆于九疑延陵季子寔惟吳  
人長子道終於葬羸博夫遭時而制不遠遷徙魂氣  
所之不繫江隴帝舜以之神罔時怨季札以之仲尼  
嘉焉鑿帝籍之高論綜精靈之幽情稽先人之遐迹  
順母氏之所寧茲事體通而義同允不可替於是公  
乃為辭昭告先考然後卜定宅兆龜筮悉從遂營窀  
窆窀音衡厚也窆音夕夜也窀窆在長夜也之事舉封樹之禮十月既望  
甲翼日巳酉葬我夫人黃氏及陳留太守碩于此高

蔡中郎集卷八

九



河

特

伏伏

進 無碑石字

季語

致

云 信思順

羞者 洛

無鄉字

幸遺

家

於下有瓦字

姬

功有者

臥可百午

無仲次讓四字

獻作叔

蔡中郎集卷八

原雒陽東界關亭之阿。天子使中常侍謁者李納弔且送葬。持賻錢二十萬布二百疋。再以中牢祠群后。畢會榮哀。孔備于時。濟陽故吏舊民中常侍勾陽于肅等二十三人。思應募化。推本議銘著斯碑。石俾諸昆裔瞻仰。以知禮之用。是為神語。乃申頌曰。於穆夫人家邦之緩。昔在嬴代。黃國良建。至于近祖。亦降于漢。天祚明德。福祿流衍。既作母儀。履德惠顯。登壽耆耄。耄用永蕃。變子孫以仁。追稽先典。廣茲洛濱。齊跡靈配。名古人体。矣耀光于億斯年。

四六 太傅安樂侯胡公夫人靈表

夫人編縣舊族。章氏之長女也。案曰顯章令儀。小心秉操。塞淵仁孝。婉順率禮。無遺體。季蘭之姿。蹈思齊之跡。永初二年。年十有五。爰初來嫁。誕成窈窕。仰奉慈姑。竭歡致敬。俯誨膝下。化導周悉。至德修於機微。徽音暢於神明。故能參姪姒之功。兼生人之榮。朝春路寢。贊桑蚕宮。光寵勳祭。祭服有琬。音克琬前後奉斯禮者三十餘載。夫人生五男。長曰整。伯齊。次曰千億。叔韓。次曰寧。穉威。次曰碩。季獻。伯仲各未加冠。遭

卷八



無口 舉作郡 李上有及字 州作十

頌

是下空一格無以字

及

無以字

考作者 無胡字 喪作表 恒作恒

意 姚

平 卒手

抱

若 頌 勛

無高字 威

道作通 清上有汶字

無音字 靈下無極字

黃 昔

屬氣同時天折叔讓郡孝廉季更歷州寧舉茂才葉  
 令京令為議郎季以高第為侍御史諫議大夫侍中  
 虎賁中郎將陳留太守皆早即世夫人哀悼劬悴由  
 是被疾遭太夫人憂篤年七十七建寧二年薨夫人  
 之存也契闊中饋婉孌供養依生奉仁紹述雅意其  
 閨月附于太夫人窀穸于茲地魂而有靈欽明定省  
 神心欣焉其實寧之元女金盈追慕永思音秦悵  
 罔極遂殯斯表鐫著堅珉音民石似玉也頌曰悲母氏之不  
 求懷殷恤以摧傷惟子道之無窮惜聞誨之未央

黃耆以期頤胡委我以夙喪恒思心以激切亦割肝  
 以絕腸昔先聖之遺辭言仁者其壽長嗟母氏之憂  
 患體愷悌以慈良失延年之報祐獨何棄於穹蒼日  
 月忽以將暮抱長結以含愁尋修念於在昔原疾病  
 之所由遭元子既弱天心傷悴以自憂暨叔季之殞  
 終哀情結以彌綢皇姑沒而中感遂大漸兮速流疾  
 酸酸而日邁氣微微均長浮銷精魂以遐翔曾不可  
 乎援鬢爾乃順旨於冥冥繼存意於不違爰附靈於  
 皇姑尚魂魄之有依潛幽室之黯漠愔昭明之景輝

卷之八



欲往趨以末及傾軋邈其彌遲顧新廟以累欵伏几  
筵而增悲嗟既逝之益遠渺悠悠而莫追

司徒袁公夫人馬氏碑銘

維光和七年司徒袁公夫人馬氏薨其十一月葬哀  
子懿達仁達銜恤哀痛靡所寫懷乃撰錄母氏之德  
履示公之門人覩文感義采石于南山謔之群儒假  
貞石以書焉夫人右扶風平陵人也曾祖中水侯祖  
將作大匠考南郡太守中水侯弟伏波將軍女在淑  
媛作合孝明誕生孝章婚姻帝室世為名族夫人生

應靈和德精性妙角犀豐盈實有偉表溫慈惠愛慎

而寡言幼從師氏四禮之教早達窈窕德象之儀及

笄求匹明哲供治婦業孝敬婉孌音恋女畢力中饋

後生仰則以為謀憲自公歷據王官至宰相夫人營

克家道扶翼政事聰明達乎中外隱括及乎無方不

出其機化導宣暢童子無驕逸之尤婦妾無捨力之

愆故能窮生人之光寵獲福祿之豐報朝春政於王

室躬桑繭於蠶宮春秋六十有三寢疾不永懿等追

想定省尋思髮髯哀窮念極不知所裁乃申辭曰於



穆母氏其德孔休思齊先始百行聿修宣慈惠和恩  
澤並周義方之訓如川之流俾我小子蒙昧以漉音漉  
水流不享遐年以求春秋往而不返潛淪大幽嗚呼  
也哀哉几筵虛設幃帳空陳品物猶在不見其人魂氣  
飄飄焉所安神兄弟何依姊妹何親號咷切怛曾不  
我聞吁嗟上天何辜而然傷逝不續往者不旋

濟北相崔君夫人誄

維延熹四年故濟北相崔夫人卒嗚呼哀哉世喪母  
儀宗殞憲師哀哀孝子靡所瞻依凡百赴弔至止增

悲投涕歔歔共叙赫姿乃為誄曰清和有鑠時惟哲  
母令儀令色爰以資始塞淵其心淑慎其止于母斯  
勤在子斯敏仰覽蕭籍俯釐絲枲多才多藝于何不  
有休譽邈焉允女之英乃及崔君惟德是行其德伊  
何實粹實明虔恭事幾契濶中饋敦此婉順疾彼攸  
遂思齊徽音晨興夜寢穆穆其猷莫之與二天祚明  
德底之方穀於赫崔君膺茲祉祿夫人有胤翼此清  
淑仁風溫潤義惠優渥推恩中外施浹族食不兼  
膳服不織縠以儉為榮以奢為辱堂堂其胤惟世之



良于其令母受茲義方訓以柔和董以嚴剛怒不傷  
愛喜不亂莊納之軌度終然允臧是用登賚享其寵  
光雖則崇盛猶匪寧息同其婦子茂師其職服貴無  
荒尊不舍力密勿不忘惟德之極昔在共姜陪臣之  
母勞謙紡績仲尼是紀矧茲夫人帝室命婦猶日孜  
孜復禮克己人亦有言仁者壽長宜登永年黃耇無  
疆昊天不弔降此殘殃寢疾彌留精爽悴傷慘怛孝  
子惴惴其惶靡神不舉無藥不將嗚呼哀哉於是孝  
子長叫氣絕復蘇號呼告哀不知其辜昊天上帝忍  
弔遺孤尋想遊靈焉識所徂嗚呼哀哉既殯神柩遺  
言于歸家宰喪儀循禮無遺切切喪主瘠羸哀哀情  
兮長慕涕兮無晞行旅揮涕千里于咨乃謀卜筮言  
考其良建彼兆域于時翳藏冥冥窀穸無時有陽燈  
燭旣滅馬道納光形影不見定省何望嗟其哀矣不  
可弔忘日月代序古有如喪由斯夫人榮烈有章配  
彼哲彥旣隆且昌顧景赫奕饋供孔將惟以慰懷庶  
無永傷嗚呼哀哉

四七 議郎胡公夫人哀讚



內約宛作宛窈

中

啓各悔無口

減詳

呈况已

無寄字

案敘作狂恍無字  
隨作續

於

憶先建極

或

無文字 曰上有又字

離函 處

括存 駁

忘碑 我二百四  
無離字 哀

收

卷八

議郎夫人趙氏案曰永姜允有令德秉心塞淵舒詳  
開雅儀節孔備女師四典窈窕德象罔不習醜以供  
婦道議郎早世檢誨幼孤義方以導其性申禁以閑  
其情孤顯儉節用免咎誨少辟侍中襲先公之爵以  
議郎出為濟陰太守是時夫人寢疾未薨而國家方  
有滎陽寇賊震驚帝師簡選州郡授任進衛不得辭  
王命親醫藥夫人乃自矜精稟氣力俛起若愈以勸  
遣顯到官月餘所疾暴盛春秋五十八中平四年薨  
于京師顯有剖符之寄偏於國典疾篤不得顧親增

感氣絕不饒自寤愼終之事闕焉未廢雖不毀以隨  
沒亦困悴而傷懷知我如此不如勿生號咷告哀以  
乞骸骨踰年然後獲聽追惟考君存時之命迎棺舊  
土同穴此城孤心摧割靡所底念仰瞻二親感有神  
藹靈表之文敢曰亮闇叙我憂痛作哀讚書之于碑  
愍予小子夙罹孔艱嚴考殞沒我在齒年母氏鞠育  
載矜載憐殷斯勤斯慈愛備焉匪惟驕之範我軌度  
教誨嚴肅昭示好惡俾我羸類畏威息怒用免咎悔  
踐繼先祖卽爵其土二將是臨與帝剖符守于濟陰

東中郎集

卷八



夫

神目

再念核

脫同句莫

情作怪 坏上以作 拒又小  
長下無封字 陰點作陰點 口作移

在

倫神

史作史 玄作玄  
碑下有紀銘二字

則

適於作遊 無旗字空格  
務作飾 飾作飾

統

昭 訖

卷八

十五

其凶寢疾榮此寵休疾用歡痊翊日斯瘳將征將邁  
 從養陶丘景命徂逝不愍少留疾大漸以危亟兮精  
 微微而浸衰適王職於憲典兮子孫忽以替違目不  
 臨此氣絕兮手不親夫含飯陳衣衾而不省兮合綆  
 棺而不見昔予考之即世兮安宅兆于舊邦依存意  
 以奉亡兮遷靈柩而回來考妣痛以慘兮離乖神柩  
 集而移兮增哀黃壚密而無間兮出入聞其無門鼻  
音于兩人 共舉也 柩在茲兮不知魂臬之所存悼孤衷之不  
 遂兮思情僚以傷肝幽情淪於后坤兮精哀達乎昊

乾

外九 郡掾史張玄祠堂碑銘

掾諱玄字伯雅河南偃師人也其先張仲者實以孝  
 友為名左右周室大漢初興張蒼為丞相封北平侯  
 其後自河內遷于茲土世為顯姓掾天姿恭恪宣慈  
 惠和允恭博敏惻隱仁恕正身履道以協閨庭損用  
 簞簞處瞻疏族動中規矩言合典式不矜名彰不飾  
 行著可謂純粹淑貞自然之素者匡論者嘉之州郡  
 禮招署致掾史沉静寡欲不求榮祿是以豐於天爵



無某字

出下有機字

祠尊 光孝

無銘字

名

薄於人位某月日遭疾而卒掾孫翻以積固之質受  
過庭之訓獲執戟出宰相邑遷太守得大夫之祿奉  
丞嘗之祀尋原祚之所由而至於此先考積善之餘  
慶陰德之陽報乃於是立祠堂假碑勒銘式明令德  
以示乎後辭曰於惟我考允迪懿德治信斯順其儀  
不忒仁惠周洽行惟模則篤垂餘慶貽此燕翼邈矣  
遺孫用懷多福刊銘金石流于罔極

袁滿來碑銘

茂德休行曰袁滿來太尉公之孫司徒公之子逸才

淑姿實大所授聰遠通敏越巖在闕明習易學從誨

如流百家衆氏遇自能識事不再舉問一及三具始

知終情性周備夙有奇節孝智所生順而不驕篤友

兄弟和而無忿氣決泉達無所凝滯雖冠帶之中士

校材考行無以加焉允公族之殊異國家之輔佐衆

律其器士嘉其良雖則童稚令聞芬芳降生不永年

十有五四月壬寅遭疾而卒既苗而不穗凋殞音允 殞也

華英嗚呼悲夫乃假碑旌于墓表嗟其傷矣惟以告

哀



童幼胡根碑銘

故陳留太守胡君子曰根字仲原生有家表幼而克  
 才角犀豐盈光潤王顏聰明敏惠好問早識言語所  
 及智思所生雖成人之德無以加焉稟命不長夙罹  
 凶災年七歲建寧二年遭疾夭慈母悼痛昆姊孔  
 懷感襁褓之親愛憐國城之乖離乃權宜就封二祖  
 墓側親屬李陶等相與追慕先君悲悼遺嗣樹碑刊  
 辭以慰哀思辭曰於惟神原應氣淑靈實有令儀而  
 氣如瑩明之之性與體俱生聞言斯識覩物知名傳

者太勤受誨則成柔和順美與人靡爭忿不怨對喜  
 不驕盈當受福永為光為榮如何昊天降此短齡惜  
 繁華之方曄兮望嚴霜而凋零嗟童孺之夭逝兮傷  
 慈母之肝情從皇祖乎靈兆兮庶神魄之斯寧哀慘  
 戚以流涕兮念污軫之不呈顧永懷於不朽兮乃託  
 辭於斯銘

外三 祝社文

元正令午時惟嘉良乾坤交泰太族運陽乃祀社靈以祈福祥  
 外三 琴贊



惟波穉器載瓊靈山體其德志清和自然深以喜雪澹若洞泉温乎其仁玉潤外鮮

蔡中郎文集卷之八終

歷數議補遺

歷數精微玄聖人得<sup>遠</sup>失更迭術之無常是以承秦歷用顓頊元

用乙卯百有二歲孝宣皇帝始改正朔歷用太初元用丁丑行

之百八十九<sup>歲</sup>孝平皇帝改從四分元用庚申今馮光陳晃各以庚

申為非甲寅為是按歷法黃帝顓頊及殷周魯凡六家各自有元光

晃所按則殷歷元也他元雖不明於國讖各家術皆當有效於當時黃

帝始用太初丁丑之元有六家紛錯爭訟是非太史令修壽王扶甲寅

元以非漢歷雜候請<sup>書</sup>課在下第卒以疏濶遂見劾奏太初效驗云

所漏失是則強非國讖之元而有效於前者也及用四分以來考之行度

密於太初是又新元效於今者也延光元年中謁者曹滂亦非四分庚申

上言當用命歷序甲寅元乙卯百零參議正處竟不施行且三光之

行遲速進退不必為一術家以美退而求之取合於當時而已故有



古今之術，之不能上通於古，亦猶古術之不能下通於今也。元命苞乾  
鑿度，皆以為開闢。至獲麟，二百七十六萬歲。及命歷序，積獲麟。至漢  
欽，庚子部二十三歲，竟己酉，戊子及丁卯部六十九歲，合為二百七十五歲。  
漢元年乙未，上至獲麟，則歲在庚申。推此以上，極開闢則不在庚申。  
讖，獲麟其年，其年見存而光等以為開闢。至獲麟，二百七十五萬九千八百  
八十六歲。獲麟，至漢百六十二歲。轉差少一百一十の歲。云當滿足，則  
上遠乾鑿度元命苞中，文獲麟不得在哀公十の年。下不及命歷  
序，獲麟，漢相去四部年，與奏記譜注不相應。當今歷正月癸亥  
朔，光等以為乙丑朔，乙丑之與癸亥，無題勒疑，識可與眾共別者，須以  
弦望晦朔，光魄虧盈，可以而見者，考其符驗。而光等歷以考驗，  
靈曜二十八宿度辰，及冬至日所在，與今史官甘石舊文錯，不可考。  
校以今渾天圖儀，檢天文，亦不合於考靈曜。光等誠能自依其術，更

造望儀，以退天度，遠有驗於圖書。近有效於三光，可以易奪甘石。  
窮服諸術者，實宜用之。雖問光冕，但言圖讖，所言不服。元和二年二  
月甲寅，制書曰：朕聞古先聖王先天而天不違，後天而奉天時。史友用  
太初鄧平術，冬至之日，日在斗二十二度，而曆以為牽牛中星。先立其  
一，四分辰之立，其也。而以於獄，參大刑，則於氣已逆。用物王和，蓋亦遠  
矣。今改行四分，以道於堯，以順孔聖。奉天之文，是始用四分。庚申元之詔  
也。深引河洛圖讖，以為符驗。非史官私意，獨所與接。而光冕以為固  
意造安說，連反經文，謬之古者。昔堯命羲和，歷象日月星辰，舜協時  
月正日，湯武革命，治歷明時，可謂正矣。且猶遇有遭旱戒，以垂表，猶  
爰冠賊姦，奸究而光冕以為陰陽不和，奸臣盜賊，皆元之咎。誠非其  
理。元和二年，乃用庚申。至今九十二歲，而光等以為秦所用代周之元，不知從  
秦末。漢三易元，不當庚申。光等區區，信用所學，亦安處欺謬之愆。



至於改朔易元往者壽王之術已課不效曹誦之秘不用元和詔書文  
備義著非羣臣議者所能窺易

東坡云熹平四年五官郎中馮先<sup>沛相</sup>上計掾陳晃言歷元不正<sup>故</sup>妖民  
叛寇盜賊相續郭香劉固臆造妄說不用甲寅而用庚申古無以庚為  
元者詔書下三府与儒林明道者詳議邑乃奉詔作此中郎平生大文也  
第以被收海散失耳幸天文志載此藝急宜補入





